

楊嚴義海

牧

C40
4514
214

C40-4514

了翁上座請大藏及有
家書置之武州紫雲山
我微矣塔院庭府中永
為學者不敢許出院內
當山二世鐵止機謹誌



B 64853

七陳禪二
那現境

初眾無
問自說

初如來
告語

初結前

首楞嚴經義海卷第二十六

經九

三

凡遇圓相即是標
辭與疏同其上文

疏大文第七陳禪那現境者此之境界是
動魔王於觀行中五陰漸滅從麤至細滅

種或邪思或天魔鬼神等現諸異相禪中
而發行人若無多聞智慧不能覺察即便

取著認非為是先雖修正入邪倫佛哀
此等無問而說然諸經論明坐禪次亦畧

說之微細廣說無過此典天台止觀
或引禪經說魔境界亦出少分耳

即時如來將罷法座於師子牀攬七寶几

迴紫金山再來凭倚普告大眾及阿難言

此經家叙佛答阿難七趣已竟慶喜既默
眾又無辭合住說法故云將罷法座然禪

支那

東京大學総合図書館蔵

一

支那

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

生後

次示迷
顯失

初認
魔境

發境界非一切智孰能知之若不與說未
代修行遇此難敵故再凭倚特顯悲深也
汝等有學緣覺聲聞今日迴心趣大菩提
無上妙覺吾今已說真修行法汝猶未識
修奢摩他毗婆舍那微細魔事真修行法
即前二決
定義觀音觀門內戒外呪兼前
正解俱是修行入覺之方法也

魔境現前汝不能識洗心非正落於邪見
或汝陰魔或復天魔或著鬼神或遭魘魅

心中不明認賊爲子修妙觀智滌內垢障
故云洗心由魔引起

分別念著故名非正陰魔等者常說四魔
謂煩惱魔生死因也陰魔死魔生死果也
天魔生死緣也今云鬼神等即天魔屬若
涅槃云皆是先世犯初重禁乃至餘篇而

後取
少證

現者此則業因種子被激而生也是故行
人先須明擇○標一念纔動六賊自劫家
寶○解孤山曰奢摩他止也毗婆舍那觀
也依常住真心修圓融止觀未入初住則
多動魔事即是天台所說因觀五陰而發
九境也故下五十重悉依陰發而其相狀
不由九境私謂今經五陰之下佛皆結云
衆生頑迷不自忖量謂言登聖並是觀行
墮無間獄約位論之此等魔事並是觀行
位中所發之相從相似位破見惑後必無
大妄墮獄之理若十信中縱有魔事觀力
易防非此經所說之意也故下文云識陰
若盡則汝現前諸根入初住多動魔事者指
魔境耶孤山謂未入初住多動魔事者指
位大深也問若言此等魔事並是觀行所
發之境祇如上文所告有學二乘及回心
者豈可盡是外凡之人乎答此有二意一
破惑者令其保護然結緣則少
當機則多至下付囑自見其意

支那

支那

支那

又復於中得少為足如第四禪無聞比丘
 妄言證聖天報已畢衰相現前謗阿羅漢
 身遭後有墮阿鼻獄疏智論所說此比丘
 者不廣尋經論師心
 修行無廣聞慧不識諸禪三界地位但精
 勤不息證得初禪謂是初果乃至四禪離
 八災患便謂已證阿羅漢果阿羅漢者此
 云無生我已證得無生果已離三界分段
 生死所作已辦更不進修至無常時四禪
 中陰見有生處忽然起謗我聞羅漢已得
 無生今日云何更有生處若如是者佛說
 羅漢並是虛妄故知無有得涅槃者由是
 起謗決定邪見天中陰滅墮阿鼻獄。解
 今言天報畢衰現者則似已生四禪或
 禪獄二中陰間義說報衰之相耳謗羅
 漢身遭後有即謂無涅槃復生三有也

汝應諦聽吾今為汝子細分別疏可

後勅聽

許說

次阿難

佇聞

後正為

分別

一總

明三

初通明

真妄

初顯生

佛體同

阿難起立并其會中同有學者歡喜頂禮
 伏聽慈誨如文。標如為
 一人衆多亦然
 佛告阿難及諸大衆汝等當知有漏世界
 十二類生本覺妙明覺圓心體與十方佛
 無二無別疏一真妙體本無二相。初文云
 我與如來真妙淨心無二圓滿
 斯則心佛衆
 生三無差別
 由汝妄想迷理為咎癡愛發生生發徧迷
 故有空性化迷不息有世界生則此十方
 微塵國土非無漏者皆是迷頑妄想安立
 此正叙也無明妄想迷真常理遂成四惑
 畧舉其二文云癡愛發生若具對者先由

後明迷

妄成異

初迷真

妄起

後悟真

妄除

不如實知真如法一卽我癡次於迷處見有所相卽我見所相既現執而不捨卽我愛恃此爲體轉增麤顯卽是我慢楞伽云梨耶此卽內識成也故云遍迷故有下外器具也則此下重指非無漏者反顯諸佛淨土卽是鏡智所現唯識云大圓鏡智能現能生身土智影今此有漏皆妄安立。標前文云迷妄有虛空依空立世界想澄成國土悉是有情有漏之解非無漏者謂微塵國土別指衆生正報兼於上文復具虛空之句別指衆生正報兼於上文復具虛空之卽有爲法無同無異也

當知虛空生汝心內猶如片雲點太清裏

況諸世界在虛空耶疏此結指也前文云

漚發有漏微塵國皆依空所生下文云乃至虛空皆因妄想之所安立故云況諸世

界在虛空耶。解畧舉世界總屬一器

汝等一人發真歸元此十方空皆悉銷殞

云何空中所有國土而不振裂疏前文云

無況復諸三有故知衆生共業所感國土及空一人返妄歸真始覺合本其所感者

隨妄銷殞前文云諸器世間應但見覺無上知覺然發真者合覺之時雖但見覺無

妄可生此無生妄未發真者見是實有其妄所感共變動諸土爲智必不徒然。解前

是諸佛成道動諸世界說究論歸元振裂由微塵國土者約同居而說究論歸元振裂之

則同居振裂若發圓真歸大涅槃之元則之義須通三土若發徧真歸小涅槃之元則

方便實報振裂今已開小顯大則真元之理無非寂光但有相似分極之異耳

汝輩修禪飾三摩地十方菩薩及諸無漏

次勅示
降魔

初致
魔興二

初因悟
動魔二

初正明

大阿羅漢心精通溜當處湛然疏此顯悟也節亦修

也溜合也一法界心生佛同體佛究竟證
菩薩羅漢亦已分證今三昧者同彼所證
融合一體妄處全覺故云當處湛然解

飾猶莊嚴也謂修禪定功德莊嚴本有真
三摩地以修飾故彼菩薩羅漢所證心性
與我所觀心性通同溜合此即動魔之由

一切魔王及諸鬼神諸凡夫天見其宮殿
無故崩裂大地振坼水陸飛騰無不驚懼

疏此動魔也。解由三摩地將出其境故
魔等宮殿自然崩裂斯亦歸元之前相也
問大地無情水陸異類何以同魔亦皆振

懼答三昧威神不可思議如大樹緊那羅
王弦歌一動聲震大千須彌山王為之踊
沒況菩薩首楞嚴力豈以情無情異而為
責凡夫昏暗不覺遷訛此釋伏疑也恐疑

後及顯

後正為
留難

見其相凡夫何事都不覺知故此釋云
標凡夫煩惱一未曾伏故昏暗也彼

等咸得五種神通唯除漏盡疏此料揀也

修禪定故得五通凡夫煩惱一未曾伏故
云昏暗彼諸魔王欲界之主統此國土以
為所居總攝有情以為民衆故得道者必

出魔界共感國土必傾播耳標五通一
天眼二天耳三神足四他心五
宿命唯有根本無明故屬有漏
戀此塵勞如何令汝摧裂其處疏如

是故神鬼及諸天魔魍魎妖精於三昧時
僉來惱汝僉皆也餘如文
然彼諸魔雖有大怒彼塵勞內汝妙覺中
如風吹光如刀斷水了不相觸汝如沸湯

後辨

降伏

彼如堅冰煖氣漸鄰不日銷殞徒恃神力

但爲其容成就破亂由汝心中五陰主人

主人若迷客得其便首楞嚴定實相智慧如光如水如湯如主

風刀冰容孰能動焉此以清淨道力破彼昏濁魔心如空無礙物何能沮或不成就

如主心迷客得其便即成破亂終不成就

○解觀行位中二法二執伏而未斷若起我見主人則迷魔乘見入客得其便

當處禪那覺悟無惑則彼魔事無奈汝何

陰銷入明則彼羣邪咸受幽氣明能破暗

近自銷殞如何敢留擾亂禪定疏初二句勸依本修

治智慧觀察也則彼下顯魔不得便一人發真世界消殞今入三昧寧不動魔苟能

初引喻

廣明

後結勸

降伏

後反顯

深入禪定唯觀實相魔界佛界一如無二生死涅槃山河大地皆即任勞虛妄華相故云如何敢留擾亂禪定○解感受幽氣者魔幽暗惑人人既不惑反受其氣

若不明悟被陰所迷則汝阿難必爲魔子

成就魔人疏殷勤啓悟令識魔惑五陰所迷魔得其便故正理論云五蘊

者積聚藏隱諸不善因譬如羣賊藏隱山中時出人間劫奪財物故知五陰魔所依處若能觀破魔自消歇○標內心纒動立爲魔民○解此寄阿難用警凡衆

如摩登伽殊爲眇劣彼唯呪汝破佛律儀

八萬行中祇毀一戒心清淨故尚未淪溺

此乃隳汝寶覺全身如宰臣家忽逢籍沒

宛轉零落無可哀救疏殊爲眇劣者殊異也卽異常之眇劣也

後引事
例證

△次別顯五

魔鬼相望魔勝而鬼劣今登伽是人但有
 呪力非其五通若望於魔即眇劣中又眇
 劣者彼唯下釋眇劣相據摩登伽心甚
 淺但欲毀汝媿之一戒由汝無心尚不成
 犯此乃下顯魔勝此外魔也魔欲令汝三
 昧不成流浪轉法身慧命絕滅消殞如
 宰輔家犯國極法削沒其籍世無食祿深
 可悲夫一戒比全身事眇劣也舉劣況勝
 劣也以一戒比全身事眇劣也舉劣況勝
 助彼深防初果道共戒力自然無犯故云
 心清淨等忽逢籍沒漢書云除其屬籍是
 也應劭曰籍者為二尺竹牒記其年紀名
 色字物

一破

色陰三

初盡末
盡相三

阿難當知汝坐道場銷落諸念其念若盡
 則諸離念一切精明動靜不移憶忘如一
 疏入正定之方便也此如前文以湛旋其
 虛妄滅生伏還元覺即此文云銷落諸念

初明
區宇

等圓覺亦云於一切時不起妄念也分別
 不起故云念盡離念精明者即動靜下釋
 元明覺無生滅性為因地心也動靜下釋
 離念行相也入流亡所境不能隨故云動
 靜不移由澄諸念分別稍寂故云憶忘如
 一起信即云止一切境界相今經即云銷
 落諸念能所二緣諸念互舉若澄靜離念不
 日攀緣妄想總名諸論心若澄靜離念不
 起是為銷落此欲界麤定暫得相應耳私
 謂離念者如天台止觀正修前方便訶欲
 離蓋等是也所離雖近當住此處入三摩
 能離則深非欲界麤定也應當
 提疏依前方便入正受如明目人
 處大幽暗精性妙淨心未發光此則名為
 色陰區宇正顯未盡色陰也心入正定如
 性妙淨定心顯也心未破色陰如大幽暗精
 宇寰區也如王所統有諸國土故云區區

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

真經卷之三

七

物六

後明 盡相

別也皆一天所覆故云宇宙猶覆也今色陰二字即司區宇同一陰覆色等別故舉此喻者表正其中也

若目明朗十方洞開無復幽黯名色陰盡

正明也前已目明今復暗破故無幽黯色既質礙障隔不通故成幽暗今定慧發明破其陰覆洞然空為色本依空立界依界立時故色陰盡則超劫濁也觀其所由堅固妄想以為其本劫濁是色陰之體最初一念能所纒立即是空見不分名為劫濁從無忽有有即色也今破色陰是故超越堅固妄想者覺明堅執質礙為成爲色之體故云堅固問色陰顯觀中先破劫濁最細何得却超答以起時無前後故破時兼麤細文不累書故見生起有次第耳又

次正明 善境

一身能 出礙

色陰屬現相現相是本識今色陰破即現相破現相破即動本識本識豈非劫濁故得超也信哉初心便有破無明分耳。解所計質礙故名堅固

阿難當在此中精研妙明四大不織少選之閒身能出礙此名精明流溢前境斯但

功用暫得如是非為聖證不作聖心名善

境界若作聖解即受羣邪疏於三昧中精

體無色陰相由斯研究深觀此理故得四大不相交織須臾之際身能出障猶行虛空斯則心不生形四大亡質觀心無礙流溢前塵功用暫然非是聖證苟知此是禪者功力則無有失故云善境若總撥為魔則抑善功用若言即聖又未斷惑感為善識而無取捨下皆做此。解孤山曰凡諸境發雖是善相取著成邪任是惡相若不

支那

五

六

取著邪亦成正
以境隨心轉故

阿難復以此心精研妙明其身內徹是人
忽然於其身內拾出蜣螂身相宛然亦無
傷毀此名精明流溢形體斯但精行暫得
如是非為聖證不作聖心名善境界若作
聖解即受羣邪疏蜣螂腹中蟲也觀心精
明內融身體內之四大因
觀而變遂能體內拾出蜣螂故無傷毀此
境現前不生取捨即為善境不爾受邪標
主人若迷
容得其便
又以此心內外精研其時魂魄意志精神
除執受身餘皆涉入互為賓主忽於空中

二體捨
蜣螂

三密義
聞空

聞說法聲或聞十方同敷密義此名精魄
遞相離合成就善種暫得如是非為聖證
不作聖心名善境界若作聖解即受羣邪
疏初至賓主者明境發所由也主肝曰魂
主肺曰魄主脾為意主腎為志主心為精
神根身種子皆為第八所執受故定心精
究內外唯空遂令五內主神無所依附流
出于外迭互相依故云互為賓主忽於下
四句正明禪中發生遂寄神現於說法
也此名下結判邪正離合即賓主也或離
心主而賓於肝等餘如文○解除執受身
餘皆涉入謂除其色身而內魂魄等六互
相涉入也互為賓主者若如也餘五入魂
則魂如主五如賓乃至入神則如主餘
如賓遞相離合者即精離本位而
合於魂或魂離本位而合於精等

四華臺
踞佛

又以此心澄露皎徹內光發明十方遍作
閻浮檀色一切種類化為如來于時忽見
毗盧遮那踞天光臺千佛圍遶百億國土
及與蓮華俱時出現此名心魂靈悟所染
心光研明照諸世界暫得如是非為聖證
不作聖心名善境界若作聖解即受羣邪
疏初三句內由觀慧也定心澄靜顯露皎
明內光既發外相則變十方下外現其相
也以先熏習名言善種染影而來故見十
方如金種類皆佛心念不動斯須自滅或
起取著正定難存如修念佛三昧此境現
前與修多羅合者名為親證若修樹觀設
見佛形亦不為正以心境不相應故何況
修真如三昧法界一相有所取著豈非魔

五空呈
寶色

耶此名下結判邪正靈悟所染者靈善也
先所熏染圓頓覺慧悟知眾生本來是佛
此之種子因定激發故現其相也

六物見
暗中

又以此心精研妙明觀察不停抑按降伏
制止超越於時忽然十方虛空成七寶色
或百寶色同時遍滿不相留礙青黃赤白
各各純現此名抑按功力踰分暫得如是
非為聖證不作聖心名善境界若作聖解
即受羣邪
定功研妙觀察逾深制止既過
過分異境却生與前相違豈非魔事不起
取心自然消歇如前文云不取無非幻非
幻尚不生幻法云何立○解私謂抑按降
伏制止超越應對四分煩惱或如下文排

四大性此名等
從畧而結也

又以此心研究澄徹精光不亂忽於夜合
在暗室內見種種物不殊白晝而暗室物
亦不除滅此名心細密澄其見所視洞幽
暫得如是非為聖證不作聖心名善境界
若作聖解即受羣邪疏定中研究心光澄
靜由澄靜故忽然發
見暗中見物物是實境故不隨定出入有
無故云亦不除滅心細密澄者觀心微細
密爾澄靜精光既定暗境
不隱故夜見物悟則無咎
又以此心圓入虛融四體忽然同於草木
火燒刀斫曾無所覺又則火光不能燒斃

七傷體
無知

八遍觀
諸界

縱割其肉猶如削木此名塵併排四大性
一向入純暫得如是非為聖證不作聖心
名善境界若作聖解即受羣邪圓偏也入
觀達也此
此定心偏了一切已身他物無不虛寂此
即心融思寂執受不行四大五塵忽然排
併既無能執割截如空
念想一純暫得如是
又以此心成就清淨淨心功極忽見大地
十方山河皆成佛國具足七寶光明遍滿
又見恒沙諸佛如來遍滿空界樓殿華麗
下見地獄上觀天宮得無障礙此名欣狀
凝想日深想久化成非為聖證不作聖心

名善境界若作聖解即受羣邪

耿耿析淨
積想所凝

圓定功深感
斯妙境耳

又以此心研究深遠忽於中夜遙見遠方

市井街巷親族眷屬或聞其語此名迫心

逼極飛出故多隔見非為聖證不作聖心

名善境界若作聖解即受羣邪

識心通靈
因定功發

飛出隔見遠近皆然

逼極之功非因妙證

又以此心研究精極見善知識形體變移

少選無端種種遷改此名邪心舍受魘魅

或遭天魔入其心腹無端說法通達妙義

十師體

變移

非為聖證不作聖心魔事銷歇若作聖解

即受羣邪

此人曾有邪心種子合外魔境
相因而來然此一章非善境界
純是魔婬不同前文皆稱
善種起心作證方始成魔

阿難如是十種禪那現境皆是色陰用心

交互故現斯事眾生頑迷不自忖量逢此

因緣迷不自識謂言登聖大妄語成墮無

間獄汝等當依如來滅後於末法中宣示

斯義無令天魔得其方便保持覆護成無

上道

此是於觀行中色陰將盡未盡用心
差異有此十境若不識知皆認聖證
即為魔惑故佛勸令開示後世也問此不
作五陰次第觀門何得陰次第盡明其境

後結勸
弘宣

○二破
受陰三

初盡未
盡相二

初明
區宇

即答觀雖總相五陰同觀陰有麤細麤者先盡譬如浣衣麤垢先去此陰既積妄所成妄盡自然陰滅從麤至細理也然也解私謂用心交互者用禪那心與色陰堅固妄想交互故現斯事乃至識陰例此明之何則以五妄想各於本陰區宇之中為禪所觀將破未破如燈欲滅其光復熾乃與定力交戰其功故成之敗之則魔佛之乎辯矣

阿難彼善男子修三摩提奢摩他中色陰盡者見諸佛心如明鏡中顯現其相色陰約已斷說見諸佛心即相似證如前盡者文云若日明明十方洞開無復幽黯若有所得而未能用猶如魔人手足宛然見聞不惑心觸客邪而不能動此則名為受陰

後明
盡相

區宇 疏色陰盡者以止觀中觀其五陰觀心者妙覺明心觀中明露即色相盡而色性現也觀中暫見非真實見故如鏡像有所得者即前見諸佛心也既是觀心變影而緣非是親證故未能用以有受陰為領納故親證必能有妙用故未破受陰如魔客邪既在妙用之動未見聞不惑受陰區宇。解若有所得謂觀行已成而未能用謂質礙猶在此約色陰妄想伏而未斷未得身根自在故以魔人喻之見聞不惑如觀行成也心觸客邪如受陰現也問何故色陰前斷後伏耶答斷從懸示伏就次論若不明斷無以知離過顯德之相若不明伏無以知依陰發魔之由下三陰文初讀者審之

若魔咎歇其心離身返觀其面去住自由

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

次正明現境

無復留礙名受陰盡是人則能超越見濁
 觀其所由虛明妄想以為其本疏其心離
 邪不觸心於根門得自在也不為魔咎之
 所留礙故能返照自面此顯見聞有用也
 去任下二句明手足得用此上皆約喻
 顯若約法者受陰盡故心亡領納既無能
 領之受即無所領之法心法既亡自在宜
 矣超見濁者以根身正是見濁之體見聞
 覺知壅令留礙水火風土旋於覺知斯則
 執受相仍便成根質受安頓納執之以為
 已以見是推求執取為義由領受前境取
 著隨生受陰既亡即超見濁覺明之心虛
 通領納故云虛明妄想○解真際曰心
 離其形則超見濁虛妄照了故曰虛明
 阿難彼善男子當在此中得大光耀其心
 發明內抑過分忽於其處發無窮悲如是

一見物生悲

乃至觀見蚊蟲猶如赤子心生憐愍不覺
 流淚此名功用抑摧過越悟則無咎非為
 聖證覺了不迷久自銷歇若作聖解則有
 悲魔入其心腑見人則悲啼泣無限失於
 正受當從淪墜疏此正顯也奢摩他中定
 光發現狂慧亂起內抑又
 過憂悲種子在藏識者忽焉現起凡此生
 類皆如自已所生赤子嬰兒也見生
 下結判也心光忽現內抑太過憂悲種發
 非為證聖取即引魔他皆倣此○標行人
 於止觀中用心太緊激動悲愛內心一動
 邪境現前○解私謂其心發明即下文見
 色陰銷受陰明白也
 有以狂慧釋之者非
 阿難又彼定中諸善男子見色陰銷受陰

二勇志
齊聖

明白勝相現前感激過分忽於其中生無
 限勇其心猛利志齊諸佛謂三僧祇一念
 能越疏色盡受現定之勝相也先未曾得
 今既獲得遂生感激感太過勇志
 便發謂言三祇一念能此名功用凌率過
 越我齊諸佛更無如者此名功用凌率過
 越悟則無咎非為聖證覺了不迷久自銷
 歇若作聖解則有狂魔入其心腑見人則
 誇我慢無比其心乃至上不見佛下不見
 人失於正受當從淪墜凌謂筏他率謂自
 強由見勝相因茲
 感激遂有此生斯則無始我慢種子被激
 而生悟則無咎○解率謂勇心高率也
 孤山引莊子凌許為解
 斥其字誤今無取焉

三渴心
沈憶

又彼定中諸善男子見色陰銷受陰明白
 前無新證歸失故居智力衰微入中隳地
 迫無所見心中忽然生大枯渴於一切時
 沈憶不散將此以為勤精進相疏受陰未
 空前無新
 證色陰已盡歸失故居前後失準墮在兩
 楹無所依倚各中隳地既於處處心無所
 措遂生沈憶以此名修心無慧自失悟
 各修認為精進此名修心無慧自失悟
 則無咎非為聖證若作聖解則有憶魔入
 其心腑旦夕撮心懸在一處失於正受當
 從淪墜若於色受盡未盡中用無相慧觀
 察陰體本自不生今則無滅唯一
 實相如此則何有無新證失故
 居之慮哉今既不然故成自失

四疑自
果成

五通意
憂愁

又彼定中諸善男子見色陰銷受陰明白
 慧力過定失於猛利以諸勝性懷於心中
 自心已疑是盧舍那得少為足失於猛利者過在慧
 之猛利也心懷勝性疑是合那更不求進得少為足此名用心亡失
 恒審溺於知見悟則無咎非為聖證若作
 聖解則有下劣易知足魔入其心腑見人
 自言我得無上第一義諦失於正受當從
 淪墜定力微故志失恒審慧力過故溺於知見定慧若均寂照無二慧力既過
 故溺知見即前失於猛利也此則勝解忽
 生引起見取種子執劣為勝故此現也
 又彼定中諸善男子見色陰銷受陰明白

六患
喜藥

新證未獲故心已亡歷覽二際自生艱險
 於心忽然生無盡憂如坐鐵床如飲毒藥
 心不欲活常求於人令害其命早取解脫
二際者未證已亡之二也定無方便安忍其心遂成憂惱不耐活命也此名
 修行失於方便悟則無咎非為聖證若作
 聖解則有一分常憂愁魔入其心腑手執
 刀劔自割其肉欣其捨壽或常憂愁走入
 山林不耐見人失於正受當從淪墜悔惱種子
 被激而生修無方便故引魔鬼也如四分
 律婆求河邊諸比丘等修不淨觀厭游過
 分求刀自害魔使
 之然悟則無咎

七無端

我慢

又彼定中諸善男子見色陰銷受陰明白處清淨中心安隱後忽然自有無限喜生心中歡悅不能自止此名輕安無慧自禁悟則無咎非為聖證若作聖解則有一分好喜樂魔入其心腑見人則笑於衢路傍自歌自舞自謂已得無礙解脫失於正受當從淪墜輕安是禪支雖因定生須慧覺魔因茲得便。解輕安七覺支中其體屬定定若兼慧正道可通今所發者既無慧自持則定翻成散魔得其便喜樂入焉。

又彼定中諸善男子見色陰銷受陰明白



自謂已足忽有無端大我慢起如是乃至慢與過慢及慢過慢或增上慢或卑劣慢一時俱發心中尚輕十方如來何況下位

聲聞緣覺疏此有七慢持已凌他高舉為性名我慢稱量自他比較同德但稱為慢於他等謂已勝名為過慢於他勝謂已勝名慢過慢未得謂得名增上慢雖知下劣返顧自矜名卑劣慢斥毀經像即是邪慢此之七慢由禪定中忽生勝見無正慧覺此名見勝無慧自救悟則無咎是故起也

非為聖證若作聖解則有一分大我慢魔入其心腑不禮塔廟摧毀經像謂檀越言此是金銅或是土木經是樹葉或是疊華

八頓獲
輕安

肉身真常不自恭敬却崇土木實為顛倒
 其深信者從其毀碎埋棄地中疑誤眾生
 入無間獄失於正受當從淪墜愚者修禪皆墮此見
 並是魔種不識如來像教之意且末世住
 持依因像教出家學道藉此而修魔壞信
 因令毀經像故楞伽云佛若不說教則滅
 壞教若滅壞誰有修行及得道者愚者不
 見此文一向謗佛無說故知若不說法十
 二部經於茲滅矣須知毀經像人魔鬼入
 心起大邪見常須善察勿同此謗人魔鬼入
 山曰夫假像知真因言體道於是嚴其像
 以生其敬寫其言以悟其心住持三寶理
 在於茲也苟生邪見豈達中庸唯自敬身
 輕毀經像邪風一扇愚者悅隨昔衛元嵩
 諫周武帝不造曲見伽藍以四海為延平
 大寺和夫妻為聖眾即皇帝是如來樹令
 德為網維尊者年為上座而周武惑其言

遂滅佛法凡此說者將非天魔外道入佛法中肆其姦謀傾毀我教耶

又彼定中諸善男子見色陰銷受陰明白
 於精明中圓悟精理得大隨順其心忽生
 無量輕安已言成聖得大自在疏精明中者即圓定
 寂照中也定中發慧與理暫契名圓悟精
 理理智相冥得無違拒故云隨順由隨順
 故身心調暢 此名因慧獲諸輕清悟則無
 咎非為聖證若作聖解則有一分好輕清
 魔入其心腑自謂滿足更不求進此等多
 作無聞比丘疑謗後生墮阿鼻獄失於正
 受當從淪墜自謂滿足更不求進者良以不學修禪次第不善通達禪

九悞入空

支行相暫得輕安便謂成聖也無聞此丘獨處皆有世世輪轉熏識成因以類前從卒難曉悟。解私謂輕安者名雖同前其義則異以云因慧獲諸輕清故此由受陰於諸塵境無重濁之感便言成聖得大自在也

又彼定中諸善男子見色陰銷受陰明白於明悟中得虛明性其中忽然歸向永滅撥無因果一向入空空心現前乃至心生長斷滅解疏得虛明性者即依圓定發於取空故撥無因果生斷滅解依此起見成惡此即由無方便邪見忽發也悟則無咎非為聖證若作聖解則有空魔入其心腑乃謗持戒名為小乘菩薩悟空有何持犯其

十狂成貪欲

人常於信心檀越飲酒噉肉廣行婬穢因魔力故攝其前人不生疑謗鬼心久入或食屎尿與酒肉等一種俱空破佛律儀誤入人罪失於正受當從淪墜此內由邪見大般若云魔能入一切眾生心令歸依魔黨如膠如漆斷手截臂不以為難魔力之故人皆信伏法華所謂深著虛妄法堅受不可捨乃謗持戒等者此之魔種代豈有之南山云戒是小乘勸令捨之及煩惱相應卒難諫曉魔力所惑誰能奈何。解資中日此從邪見種生引此空魔入其心腑孤山日嗟乎叔世尊合雜為大道排持操為小乘戒律軌儀棄為他種盡隨懸以為巧扇無檢以為風及夫陰陽拘忌流俗妄說一皆信受畏若嚴刑未審戒律之教與陰陽

之書執愈流俗之說與如來之談執優背
 正向邪顛亂之甚懷斯乃震法雷於迷螿耀
 為宗師願以訓眾如是則涅槃之囑斯經之
 慧燈於永夜夫如是則涅槃之囑斯經之
 誠得其人而其道舉矣
 又何待於四依出世乎

又彼定中諸善男子見色陰銷受陰明白
 味其虛明深入心骨其心忽有無限愛生
 愛極發狂便為貪欲疏味其虛明者愛著
 禪中色陰盡處以為
 勝境由此起愛無慧覺察引其此名定境
 貪欲種子而發遂成狂欲也
 安順入心無慧自持誤入諸欲悟則無咎
 非為聖證若作聖解則有欲魔入其心腑
 一向說欲為菩提道化諸白衣采等行欲

其行婬者名持法子神鬼力故於末世中
 攝其凡愚其數至百如是乃至一百二百
 或五六百多滿千萬魔心生厭離其身體
 威德既無陷於王難疑誤眾生入無間獄
 失於正受當從淪墜此貪欲種如火遇薪
 忽然而發欲魔得便
 因此入心如林中比丘忽然欲發魔得便
 馬因定引魔此之類也攝諸凡愚至千萬
 者欲本順貪因魔熾盛凡愚惑著何事不
 從又魔因妄起本性不常勢盡歇生去身
 留礙。解私謂此如天台止觀煩惱境欲
 發之相智者云生來欲色抑制可停今睡
 師子觸之哮吼若不識者則能牽人作大
 重罪今文既云魔入其心
 則是煩惱與魔二境俱發

阿難如是十種禪那現境皆是受陰用心
交互故現斯事衆生頑迷不自忖量逢此
因緣迷不自識謂言登聖大妄語成墮無
間獄汝等亦當將如來語於我滅後傳示
後結勸

弘宣

末法遍令衆生開悟斯義無今天魔得其
方便保持覆護成無上道疏受陰交互者不能定慧均平善巧安忍既失方便異念即生由此故有十種境界皆由內心交互外引諸魔苟能悟之不落邪見

首楞嚴經義海卷第二十六

音釋

凭皮冰切 溜武粉切 垢耻格切 惛賢葉切 眇亡沼切
依几也 合也 裂也 驚怖也 亡微
細 隙許規切 劭寔照切 黧乙減切 踞舉御切 削切
壞也 寔照切 黑色也 坐也 約
切 剉胡管切 浣濯垢也

彭城奉聖寺比丘智賢助刻
 首楞嚴經義海卷第二十六
 計字九千六百
 佛祖父母之恩謝天地施主之德
 衆生見者聞者同成正覺龍山釋海
 崇禎五年孟秋月徑山化城寺識

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

首楞嚴經卷第二十七

三

[Faint bleed-through text from the reverse side of the page]

首楞嚴經義海卷第二十七 經九之三

凡遇圓相即是標
辭與疏同其上文

三破三
想陰

初盡未
盡相

阿難彼善男子修三摩提受陰盡者雖未
漏盡心離其形如鳥出籠已能成就從是
凡身上歷菩薩六十聖位得意生身隨往

無礙 疏觀中伏惑全未斷故名漏未盡心
離形者受陰既破無執受故觀心自

在如鳥出籠無有障礙已能成就上歷聖

位者此是圓頓利根者得受陰破諸陰隨

破於此凡身即能入位得意生身更無魔

惑令其退也若鈍根者更須破下諸陰隨

未盡處猶有魔事不得無礙今約利者說
耳若最鈍者至識陰破得根互用方入乾
慧若以前後比望中間合於想行盡處亦
說入位是中根者今經不言文略故耳

支那

首楞嚴經義海卷第二十七

一

友七

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

初明
區宇

解私謂雖未漏盡謂界外無明漏也六十
聖位通途舉之別在意生身耳孤山曰始
三漸次終乎妙覺其間有賢有聖皆是三
世諸佛所歷之位故通稱聖位得意生身
者佛入相似聖位中如楞伽經大慧菩薩
問佛何名意生佛言譬如以兩義重釋初云
此則從喻得名彼經又以兩義重釋初云
如十萬由旬外憶先所見念念先續疾至
於彼次云如幻三昧力憶本願故生也
譬如有
人熟寐寤言是人雖則無別所知其言已
成音韻倫次不寐者咸悟其語此則名
為想陰區宇疏此喻鈍根觀力微弱雖受
破想陰故如熟寐寤言也音韻倫次者如
有成就聖位分也無別所知想陰蓋故不
寐人者如證聖人則知此人已有昇進聖
位之分般若云如來悉知悉見是人皆得

後明
盡相

成就阿耨菩提也問破色陰時已是成就
觀行何故不說上歷聖位耶答色陰雖破
未能破心故未成就上歷聖位以麤麤故
受陰既是四心初首故破受陰得說上歷
六十聖位問若言破即是麤故不說者今
破受陰聖位想若言破即是麤故不說者今
歷聖位耶答雖望餘陰亦即是麤然受等
四陰同是心法故利根人若破受陰三蘊
隨破不同破色鈍根之者未能破想觀力
弱故故在區宇又解此中不分別利鈍二
別但都明此位得受既得及第即能具有
官位之分然待為政
功德勝劣方序用耳

若動念盡浮想銷除於覺明心如去塵垢
一倫生死首尾圓照名想陰盡想者取像
謂要先安
立境分劑相方能隨起種種名言念緣不
息即名浮動念即想也浮想既除觀心轉

支那

音學要義卷之二

二

支七

撰述

言身處業善法卷二十七

二

物十

次正明
現境十

淨故云如去塵垢一倫生死謂行陰倫類也首尾本末也以行是遷流遷流即生滅今無想隔故本末皆現即生滅體露觀心明見故云圓照。解孤山曰覺明如鏡浮想如塵想盡心明猶居相似首尾猶云圓終也若悟真常無始終生之異故云圓照

是人則能超煩惱濁觀其所由融通妄

一貪求

想以為其本疏一切煩惱以想為本擾惱前文云又汝身心汨亂真性故名為濁如現六塵離塵無相離覺無性相織妄成名

善巧二

煩惱濁今想陰盡此濁亦超也融通妄想者想能融變身隨於心心想醉梅口中流水融通質礙故名融通

忍愛忽生
阿難彼善男子受陰虛妙不遭邪慮圓定
魔得其便
發明三摩地中心愛圓明銳其精思貪求

善巧爾時天魔候得其便飛精附人口說經法其人不覺是其魔著自言謂得無上涅槃來彼求巧善男子處敷座說法其形斯須或作比丘令彼人見或為帝釋或為婦女或比丘尼或寢暗室身有光明是人愚迷惑為菩薩信其教化搖蕩其心破佛律儀潛行貪欲慮即是魔種心念也謂發悲生勇等愛圓明者著定境也銳利也濟貪善巧異想紛然魔附他人來應得便也既資相誘憤亂其心破佛律儀故成魔業
口中好言災祥變異或言如來某處出世

後台說異端
去身留難

天那

言身處業善法卷二十七

三

物七

二欲

經歷三

或言劫火或說刀兵恐怖於人令其家資無故耗散說異端也此名怪鬼年老成魔惱亂

是人厭足心生去彼人體弟子與師俱陷

王難致留難也汝當先覺不入輪迴迷惑不知

墮無間獄勸先覺也下諸境皆倣此。解私謂飛精附人斯必附其可附

之人亦修定習慧者耳弟子與師即求巧之子說法之師下皆例此

阿難又善男子受陰虛妙不遭邪慮圓定

發明三摩地中心愛遊蕩飛其精思貪求

經歷疏心愛生也經歷遊行也。標觀中動掉舉種子故現此魔境爾時

天魔候得其便飛精附人口說經法其人

亦不覺知魔著亦言自得無上涅槃來彼

求遊善男子處敷座說法自形無變其聽

法者忽自見身坐寶蓮華全體化成紫金

光聚一衆聽人各各如是得未曾有是人

愚迷惑為菩薩姪逸其心破佛律儀潛行

貪欲疏若行住在定遊禮何妨若蕩逸周流隨情喪志魔得其便恣欲其心破

佛律儀廣行魔業

口中好言諸佛應世某處某人當是某佛

化身來此某人即是某菩薩等來化人間

其人見故心生傾渴邪見密與種智銷滅

後說異端
去身畱難

三願 契合

此名魁鬼年老成魔惱亂是人獸足心生去彼人體弟子與師俱陷王難汝當先覺不入輪迴迷惑不知墮無間獄。

文顯可知 標行人

本修三昧肉念 潛生翻正為邪

又善男子受陰虛妙不遭邪慮圓定發明

三摩地中心愛綿溜澄其精思貪求契合

疏綿密也溜合也澄凝寂也精思即前愛心也夫忘機寂照想念不生理自冥會若

希求溜合愛念潛潛爾時天魔候得其便

擬心即差遂招魔惑飛精附人口說經法其人實不覺知魔著

亦言自得無上涅槃來彼求合善男子處

初愛發生 魔得其便

後說異端 去身留難

敷座說法其形及彼聽法之人外無遷變令其聽者未聞法前心自開悟念念移易或得宿命或有他心或見地獄或知人間好惡諸事或口說偈或自誦經各各歡娛得未曾有是人愚迷惑為菩薩綿愛其心破佛律儀潛行貪欲

心希契合令未聞法便自開悟乃至得通

自誦經等頗合 其心故多綿愛

口中好言佛有大小某佛先佛某佛後佛

其中亦有真佛假佛男佛女佛菩薩亦然

其人見故洗滌本心易入邪悟此名魅鬼

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷之二十一

五

物也

四樂
辨析

年老成魔惱亂是人獸足心生去彼人體
弟子與師俱陷王難汝當先覺不入輪迴

迷惑不知墮無間獄男女佛者貴引行人
行貪欲事無妨成佛

洗滌本心者本心修行俾離貪欲
今反行之本心遂去故云洗滌

又善男子受陰虛妙不遭邪慮圓定發明

三摩地中心愛根本窮覽物化性之終始

忍愛忽生

精爽其心貪求辯析根本者根尋本究物
之元底也物化萬境

魔得其便

也爽也爾時天魔候得其便飛精附人口說
經法其人先不覺知魔著亦言自得無上

涅槃來彼求元善男子處敷座說法身有

威神摧伏求者令其座下雖未聞法自然

心伏是諸人等將佛涅槃菩提法身即是

現前我肉身上父父子子遞代相生即是

法身常住不絕都指現在即為佛國無別

淨居及金色相其人信受忘失先心身命

歸依得未曾有是等愚迷惑為菩薩推究

其心破佛律儀潛行貪欲心欲求元魔精
附物說肉身為

後口說異端

去身留難

三德之本指相生為常住之因清淨之方
只此穢境相好之體全是我身妄本既宜

邪信便發魔力所制更不推移盡命歸心
從邪取正。標妄想根深愛染常附一念

纔動無明
天魔遂生

支那

卷之二十一

六

支二

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

真感

六

七

五希求

真感

口中好言眼耳鼻舌皆為淨土男女二根
 即是菩提涅槃真處彼無知者信是穢言
 此名蠱毒魔勝惡鬼年老成魔惱亂是人
 狀足心生去彼人體弟子與師俱陷王難
 汝當先覺不入輪迴迷惑不知墮無間獄
疏世有金剛禪二會子頗提此類斯皆魔
 若卒受王難。解私謂夫性海圓澄森羅
 自現苟偏求俗理則翻益
 漏心違本禪那邪鬼斯入

又善男子受陰虛妙不遭邪慮圓定發明
 三摩地中心愛懸應周流精研貪求冥感
疏功深行者感應自真
 起念妄求魔精暗入 爾時天魔候得其

忍愛忍生

魔得真寶

後曰說異端
去身易難

便飛精附人口說經法其人元不覺知魔
 著亦言自得無上涅槃來彼求應善男子
 處敷座說法能令聽眾暫見其身如百千
 歲心生愛染不能捨離身為奴僕四事供
 養不覺疲勞各各令其座下人心知是先
 師本善知識別生法愛黏如膠漆得未曾
 有是人愚迷惑為菩薩親近其心破佛律
 儀潛行貪欲希求既起魔伺便來影附他
 人為善知識感心激切認是
 先師法愛倍
 生膠漆何異

口中好言我於前世於某生中先度某人

去那

善惡業緣卷之三

七

七

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

發述

首楞嚴經卷之二

七

物世

六黃
靜謐二

當時是我妻妾兄弟今來相度與汝相隨
歸某世界供養某佛或言別有大光明天
佛於中任一切如來所休居地彼無知者
信是虛誑遺失本心此名癘鬼年老成魔
惱亂是人狀足心生去彼人體弟子與師
俱陷王難汝當先覺不入輪迴迷惑不知
墮無間獄休居地者涅槃處也真實涅槃豈有處耶今指天為圓寂之地非魔是何信則墮魔師弟俱墮。解懸應
在聖冥感屬已於未證理前求其休驗
又善男子受陰虛妙不遭邪慮圓定發明
三摩地中心愛深入剋已辛勤樂處陰寂

憊愛忿生
魔得其便

貪求靜謐

躡愛深寂境為真修處故云深

動則緣繁任居谷隱靜欲纒舉魔精即來束約身心故曰剋已。標靜謐陰寂非貪求得未盡妄
想隨照失宗爾時天魔候得其便飛精附
人口說經法其人本不覺知魔著亦言自
得無上涅槃來彼求陰善男子處敷座說
法令其聽人各知本業或於其處語一人
言汝今未死已作畜生勅使一人於後蹋
尾頓令其人起不能得於是一眾傾心欽
伏有人起心已知其肇佛律儀外重加精
苦誹謗比丘罵詈徒眾訐露人事不避譏

支那

首楞嚴經卷之二

八

支二

後說異端
去身留難

七所
宿命

嫌疏令知本業者宿命事也令翬尾者現後報也起心知肇即他心也許露人事天眼天耳也魔得邪定故有此通作此異端誰不信伏發私事曰評。標天魔現此妖怪行人心動翻正為邪若不先覺必入輪迴。解孤山曰夫忘懷去來者市朝亦江湖睨情生死者山林猶怪楷既於靜取著故魔得其便

口中好言未然禍福及至其時毫髮無失此大力鬼年老成魔惱亂是人獸足心生去彼人體弟子與師多陷王難汝當先覺不入輪迴迷惑不知墮無間獄疏未然者然生也預說凶吉應無毫差

又善男子受陰虛妙不遭邪慮圓定發明

初愛忽生
魔得其便

三摩地中心愛知見勤苦研尋貪求宿命夫宿命等通禪者自有難欲靜慮任運現前若起念先求無功強取非唯喪本亦乃受魔。標宿命知見不可爾時天魔候得貪求知見立知即無明本其便飛精附人口說經法其人殊不覺知魔著亦言自得無上涅槃來彼求知善男子處敷座說法是人無端於說法處得大寶珠其魔或時化為畜生口銜其珠及雜珍寶簡策符牘諸奇異物先授彼人後著其體或誘聽人藏於地下有明月珠照耀其處是諸聽者得未曾有多食藥草不餐

嘉饌或時日餐一麻一麥其形肥充魔力持故誹謗比丘罵詈徒衆不避譏嫌

疏簡策符

後呂說異端
去身畱難

牘皆國家奇要之物書大小之事合君臣之信故用之耳授此異物令心信伏後乃著之

口中好言他方寶藏十方聖賢潛匿之處隨其後者往往見有奇異之人此名山林土地城隍川嶽鬼神年老成魔或有宣姪破佛戒律與承事者潛行五欲或有精進純食草木無定行事惱亂是人厭足心生去彼人體弟子與師多陷王難汝當先覺

八求
神力

不入輪迴迷惑不知墮無間獄

如文可見解私謂

又善男子受陰虛妙不遭邪慮圓定發明

三摩地中心愛神通種種變化研究化元

疏化元謂神變之本此貪如意通。標愛染忽生正見銷滅

初愛忽生
魔得其便

爾時天魔候得其便飛精附人口說經法其人誠不覺知魔著亦言自得無上涅槃來彼求通善男子處敷座說法是人或復手執火光手撮其光分於所聽四衆頭上

是諸聽人頂上火光皆長數尺亦無熱性
 曾不焚燒或上水行如履平地或於空中
 安坐不動或入瓶內或處囊中越牖透垣
 曾無障礙唯於刀兵不得自在自言是佛
 後口說異端身著白衣受比丘禮誹謗禪律罵詈徒眾
 去身留難許露人事不避譏嫌
羅必若真通刀豈能沮以斯取驗邪正可
 分身著白衣受比丘禮准仁王經白衣高
 座比丘地立佛法滅相菩薩戒中亦同此
 說。標天魔邪行得相似五通故附人中
 怪作

口中常說神通自在或復令人傍見佛土

九愛
 深空二
 鬼力惑人非有真實讚歎行姪不毀麤行
 將諸猥媠以為傳法此名天地大力山精
 海精風精河精土精一切草木積劫精魅
 或復龍魅或壽終仙再活為魅或仙期終
 計年應死其形不化他怪所附年老成魔
 惱亂是人獸足心生去彼人體弟子與師
 多陷王難汝當先覺不入輪迴迷惑不知

初愛忽生
 魔得其便
 墮無間獄疏猥媠麤穢事也餘如文。解
 孤山曰神力即身如意通猥者
 鄩也方言媠狎也
 郭璞云相親狎也

又善男子受陰虛妙不遭邪慮圓定發明

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

撰述

三摩地中心愛入滅研究化性貪求深空

三

七

標即色明空是無上智
爾時天魔候得其

求空滅色魔境隨生
便飛精附人口說經法其人終不覺知魔

著亦言自得無上涅槃來彼求空善男子

處敷座說法於大眾內其形忽空眾無所

見還從虛空突然而出存沒自在或現其

身洞如琉璃或垂手足作栴檀氣或大小

便如厚石蜜誹毀戒律輕賤出家疏夫真

妙有有而性常自空所以具修萬行了無

斷見撥無因果魔得其

便從空出沒幻惑其心

後口說異端
去身留難

十好

永歲

口中常說無因無果一死永滅無復後身

及諸凡聖雖得空寂潛行貪欲受其欲者

亦得空心撥無因果此名日月薄蝕精氣

金玉芝草麟鳳龜鶴經千萬年不死為靈

出生國土年老成魔惱亂是人狀足心生

去彼人體弟子與師多陷王難汝當先覺

不入輪迴迷惑不知墮無間獄口說空理

蓋由心祈致招魔惑薄蝕精氣者此即惡

星精曜能為蝕神亦為魔怪。解大論云

諸佛說空法本為破於有若有著空者諸

佛所不化若了真俗不二三諦互融有空

月薄蝕者經史皆作食說文作蝕京房易

初愛忽生
魔得其便

支那

支那

三

七

罽云日月赤黃為薄或曰不交而食曰薄章昭云氣往通之為薄虧毀曰蝕
 又善男子受陰虛妙不遭邪慮圓定發明
 三摩地中心愛長壽辛苦研幾貪求永歲
 棄分段生頓希變易細相常住爾時天魔
 候得其便飛精附人口說經法其人竟不
 覺知魔著亦言自得無上涅槃來彼求生
 善男子處敷座說法好言他方往還無滯
 或經萬里瞬息再來皆於彼方取得其物
 或於一處在一宅中數步之間令其從東
 詣至西壁是人急行累年不到因此心信

後口說異端
去身畱難

後結勸
弘宣四

疑佛現前疏夫分段生死三界惑盡方始得離二乘無學登地菩薩皆得變易今未離染頓欲於此分段身上變魔身為細質易短命作長年過分希求故為魔著細相常住者微細存想求久任世也。標內心既動迷惑不移
 口中常說十方衆生皆是吾子我生諸佛
 我出世界我是元佛出世自然不因修得
 此名住世自在天魔使其眷屬如遮文荼
 及四天王毗舍童子未發心者利其虛明
 食彼精氣或不因師其修行人親自觀見
 稱執金剛與汝長命現美女身盛行貪欲
 未逾年歲肝腦枯竭口兼獨言聽若妖魅

一總結
諸境

前人未詳多陷王難未及遇刑先已乾死
 惱亂彼人以至殞殞汝當先覺不入輪迴
 迷惑不知墮無間獄疏遮文荼舊云嫉妬
 鬼也毗舍遮鬼也此云食精氣神那夜使
 亦此類也世人所事為善知識皆六欲天
 魔以為其主口獨言者即前美女也。解
 變易者斷見思盡生法性土故受變易今
 頓欲變羸身為細質易短壽作長齡從此
 分段遞入彼土也自在天即欲界第六天
 上別有魔王居處
 亦他化自在天攝
 阿難當知是十種魔於末世時在我法中
 出家修道或附人體或自現形皆言已成
 正遍知覺讚歎姪欲破佛律儀先惡魔師

二勸
弘宣

三重示
迷因

與魔弟子姪姪相傳如是邪精魅其心腑
 近則九生多踰百世令真修行總為魔眷
 命終之後必為魔民失正遍知墮無間獄
疏此文即同涅槃經云未來世中是魔波
 旬漸當壞亂我之正法乃至現比丘比丘
 尼及阿羅漢像非法說法誹謗戒律自言
 得聖惑亂世間以此二經鑑于世間稱聖
 毀戒者非
 魔而誰
 汝今未須先取寂滅縱得無學留願入彼
 末法之中起大慈悲救度正心深信眾生
 令不著魔得正知見我今度汝已出生死
 汝遵佛語名報佛恩大聖深慈勸不取滅
 殷勤付囑正為今時

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

篇廣義海卷二十七

四

牧七

若以今文望前發願如一衆生未成佛終不於此取泥洹斯則師資相成悲救一撥四派入滅一何現權○解此囑阿難未須取滅而付法藏傳云入風奮迅三昧四派其身入滅度者將非感見不同乎

阿難如是十種禪那現境皆是想陰用心交互故現斯事衆生頑迷不自忖量逢此

因緣迷不自識謂言登聖大妄語成墮無間獄疏如文○標行人無滯和般若舉意便遭魔事

汝等必須將如來語於我滅後傳示末法遍令衆生開悟斯義無令天魔得其方便

保持覆護成無上道疏據弘此經合魔官震動凡夫不覺故也

四再助

流布

如說四安樂行正同此意故文殊問云於後惡世云何能說此經佛令住四安樂行廣說離譏毀等緣豈非同此魔事耶

首楞嚴經義海卷第二十七

音釋

寐寐寐二切卧也寐魚汨古沒切銳俞芮切淬七內切

寐寐寐二切卧也寐魚汨古沒切銳俞芮切淬七內切

寐寐寐二切卧也寐魚汨古沒切銳俞芮切淬七內切

寐寐寐二切卧也寐魚汨古沒切銳俞芮切淬七內切

寐寐寐二切卧也寐魚汨古沒切銳俞芮切淬七內切

寐寐寐二切卧也寐魚汨古沒切銳俞芮切淬七內切

寐寐寐二切卧也寐魚汨古沒切銳俞芮切淬七內切

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

吳江居士周麟趾捐貲助刻

首楞嚴經義海卷第二十七
西箇該銀三兩三分七厘
計字六千七十
密母周氏等舍身射康泰
祈保
山化城寺識

四破行

陰三

首楞嚴經義海卷第二十八之經十一

凡遇圓相即是標
辭與疏同其上文

阿難彼善男子修三摩提想陰盡者是人
平常夢想銷滅寤寐恒一
疏想陰若存寤
即想像寐即成
夢今想陰盡即無有夢以想陰是夢之元
故寤寐一如寤
寐寐亦如寤
故云恒一

覺明虛靜猶如晴空無復麤
重前塵影事
圓明心體名為覺明離想浮
離想麤重即煩惱也以想陰是煩惱濁故
前塵影事即所想境能想既亡所想不立
故云無復
解私謂準智論明阿羅漢有
眠無夢驗今想盡即六想淨也以圓觀所
破通別二惑猶如治鐵麤
垢先除故云無復麤重等

一盡末
初明
區宇二

觀諸世間大地

支那

首楞嚴經義海卷第二十八

一

支那

初想盡
益相

山河如鏡鑒明來無所黏過無蹤迹虛受
 照應疏觀緣也雖有根識緣諸境界而不
 想像繫念在意故如其鏡照物無迹
 但虛受虛照虛應而已亦可如鏡照於光
 明雖鑒無影故云虛受○標喻鏡有四種
 妙用虛者能舍萬象受者物來不拒照者
 隨物大小顯形應者妍醜無於取舍具此
 四德了罔陳習唯一精真疏了畢也罔無
 故也畢竟無有無始妄習唯有一靈真如
 性也又了謂了別即諸識也罔謂罔象如
 習謂無始種子也唯一精真者唯一識陰
 也如下文云則湛了內罔象虛無微細精
 想以對行陰故云精真也顯此行陰又現披
 陰盡唯識陰及行陰在今此行陰又現披
 露故名識陰為精真也○解虛受照應即
 受想二陰也受以虛明為本想以取像為
 義下文云種種取像心生形取等名為融
 通妄想今覺明中觀諸世間如鏡照物即

後行陰
現相

想陰也了罔陳習謂受之
 與想已無陳故習氣也
 生滅根元從此披露見諸十方十二衆生
 畢殫其類雖未通其各命由緒見同生基
 猶如野馬熠熠清擾為浮根塵究竟樞穴
 此則名為行陰區宇疏行陰是生滅元以
 遷流造作故想盡行
 現故云披露畢殫其類者殫盡也盡此十
 二類生皆從行出以行是業體故未通各
 命者雖已了知十二類生總從行出而未
 知衆生別種在識陰中由端緒也見同生
 子是衆生各別性命因由端緒也見同生
 基即行陰也十二品類同以行陰為其基
 本猶野馬者塵合陽氣鼓而為之熠熠即
 光起閃爍喻生滅也清擾者即此行陰擾
 動生滅微細不停以無想陰塵垢故名清
 也為浮根塵究竟樞穴者門篋曰樞門曰

後明 盡相

次正明 現境

日允此皆動轉之要處也根塵生滅皆以行陰爲機細處了知此者正在行陰故云區宇○解孤山曰下文云唯滅與生是行邊際十二類生皆從行出以行是業能招報故雖未能總相見彼衆生修因趣果因由端緒已能總相見彼生類俱由行起各此行陰爲同生基清擾即下文幽清擾動也

若此清擾熠熠元性性入元澄一澄元習如波瀾滅化爲澄水名行陰盡是人則能超衆生濁觀其所由幽隱妄想以爲其本疏性入元澄者行陰若盡遷流性澄歸一藏識名入元澄經云藏識海常住也以觀行增勝能純生滅根元習氣令其不動歸一識陰如澄水也以行是衆生遷流業性故此若盡即超衆生濁也行陰生滅微細難覺故名幽隱○標名行陰盡湛入合湛

一二無 因論

初標

也○解私謂性入元澄者性即生滅之性以旋復爲入也元即樞穴之元以精真爲澄也習謂習氣即通惑耳如波瀾滅喻意可知超衆生濁者行陰爲生滅根元衆生竟此生滅爲體其元既盡斯濁亦超阿難當知是得正知奢摩他中諸善男子疑明正心十類天魔不得其便方得精研窮生類本於本類中生元露者觀彼幽清圓擾動元於圓元中起計度者是人墜入二無因論疏止觀增勝想念不起故云凝不得便於此推窮生類之本唯一行陰幽隱清虛以爲一切生滅之元今既披露此外更無衆生之本便執世間無因而起此不知善惡因由差別種子在識陰故即外

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

音釋卷之二十一

三

後

後釋 二

道論因此而有皆修行至此邪慧忽生名為見發非是本來別有外道○解私謂想陰既伏頹濁且澄故曰觀彼幽清禪見類生遷流陰充故曰圓擾動元

一者是人見本無因何以故是人既得生

機全破乘于眼根八百功德見八萬劫所

有衆生業流灣環死此生彼祇見衆生輪

迴其處八萬劫外冥無所觀便作是解此

等世間十方衆生八萬劫來無因自有疏

機全破行陰現也八百功德謂由定力發

其眼根本分功德百倍增勝乘此通力見

八萬劫衆生死此生彼過此不知亦是行

陰勢力盡處不知識陰生因種子無明所

熏感果差別以不知故便執本來無因而

有如見飛鳥遠不及處便謂為無以眼根

初計本 無因 二

初正辨

後結成

取塵本唯八百世間通力不越於此若出世通過此無礙○解生機全破者機喻變動即行陰也不為想陰所覆故云全破眼根八百功德既約三世四方論之今見本無因即乘過去功德下見未無因即乘未來功德斯由定中發宿命通乃令眼根彰此力用業流灣環行陰轉也冥無所觀外道冥諦也夫善惡業緣唯識變造是人於識故從此來起無因計

由此計度亡正徧知墮落外道惑菩提性

疏如 文

二者是人見末無因何以故是人於生既

見其根知人生人悟鳥生鳥鳥從來黑鵠

從來白人天本豎畜生本橫白非洗成黑

後計末

無因 二

上文那

音釋卷之二十一

四

文八

撰述

初正辨

非染造從八萬劫無復改移今盡此形亦
 復如是而我本來不見菩提云何更有成
 菩提事當知今日一切物象皆本無因
 句標何以出所以今盡下正顯末無因
 義以本無因故末亦無因八萬劫前不見
 菩提入萬劫後亦復如是是以見本無末亦
 無也知人生人等者人只生人無因生鳥
 鳥只生鳥無因生人此皆不知新造異業
 感異類生故成此執○解無復改移者此
 見一分人畜之類有經長時業果未轉故
 起期計如智論明舍利弗觀鵠子身前後
 皆八萬劫不改其報今行陰中既見此相
 乃執一切自然而然此即不知十二類生
 各命由緒也今盡此形等明未來無因
 亦應見八萬劫以外道通同聲聞故
 由此計度亡正徧知墮落外道惑菩提性

後結成

二四編

常論

初標

次釋

是則名為第一外道立無因論肇師云外
 謂眾生苦樂不因行得皆自然耳前經云
 未伽梨等都言此身死後全滅今計無因
 雖不云死滅必至劫滿亦同其倫當知諸
 見不出四句謂斷常雙亦雙非也上二無
 因即斷見下四徧常及一分無常一分常
 乃至死後俱非即後三句餘之所計皆源
 流於此
 阿難是三摩中諸善男子疑明正心魔不
 得便窮生類本觀彼幽清常擾動元於圓
 常中起計度者是人墜入四徧常論疏常
 陰生滅相續不失故名常由計四種徧一
 切法故名圓也○標結前想陰已破唯一
 行陰以為生死之元四種者一破唯二
 大三八識四行陰殊不知善惡好醜種子

去那

寫卷全義每卷一

五

文八

舍藏在第八識修行至此邪慧忽生也

一者是人窮心境性二處無因修習能知

二萬劫中十方衆生所有生滅咸皆循環

劫常 二萬劫中十方衆生所有生滅咸皆循環

觀成知二萬劫十方衆生往滅循環不曾散失如木為水冰還成水雖循環而體不失故名為常。解真際曰心境二處雖則無因二萬劫來生滅不斷故計為常

二四萬劫中十方衆生所有生滅咸皆體恒

劫常 二四萬劫中十方衆生所有生滅咸皆體恒

四萬劫中衆生往滅咸皆體常以衆生皆以四大為體四大既常衆生亦常故無散

三八萬

劫常 三者是人窮盡六根末那執受心意識中

本元由處性常恒故修習能知八萬劫中

一切衆生循環不失本來常住窮不失性

計以為常 疏梵云訖利瑟吒耶末那此云

入識性元是常由是能知八萬劫中衆生

生滅不斷不散以衆生無不其有八種識

故入識既生滅不失衆生亦然故名常也

心解資中曰此於六根及第七識并執受

言六根者舉所依根顯能依識既云心意

識中故知觀入識也私謂按楞伽云阿黎

耶識除佛及八地菩薩諸餘二乘外道修

能於此計以為常應知言心意識者通舉

失。解孤山曰人之生滅不離四大。大性不失於是計常。

八識也本元由處者別指行陰也良以首楞嚴定頓窮八識圓伏五任而於想陰盡處不了行陰微細生滅妄認為常非謂定中已見第八愍師云若了八識何得異計斯言善焉

四不生滅常

四者是人既盡想元生理更無流止運轉生滅想心今已永滅理中自然成不生滅

後結

因心所度計以為常疏生理即行陰以見息故運動既無不生滅理自然行此於生滅計不生滅故執為常○解私謂前指本元為常即於生滅計不生滅如見細流謂之止水也今取理中為常乃於生滅計不生滅如見虛空謂之常住也斯亦妄認行陰為理耳
由此計常亡正徧知墮落外道惑菩提性

三四 分常論

是則名為第二外道立圓常論疏正徧知邪倒分別故失正唯局二四八萬劫中餘不能知故失徧正知徧知既亡故成外道邪論○標所執上四種徧一切各圓行陰相續各常○解此四徧常所窮之境從廣至狹而成次第初通五陰二局色陰三唯行陰四但是行陰不生滅理若言第三計八識第四復計行陰其義既失所次亦非

初標

又三摩中諸善男子堅凝正心魔不得便窮生類本觀彼幽清常擾動元於自他中起計度者是人墜入四顛倒見一分無常
一分常論疏或執我能生他我常他無常或執我從他生他常我無常皆計一分無常一分常論

次釋四

一者是人觀妙明心徧十方界湛然以為究竟神我從是則計我徧十方發明不動

一切衆生於我心中自生自死則我心性

名之為常彼生滅者真無常性此人修定既未證真

有漏觀中觀妙明心徧十方界假想而見不知無明妄識變影似真執此妄心徧十方界以為真我疑明不動定力持故見不

動者即是我心中自生自死即是無常我無實義○解觀妙下重舉觀行湛然下正明

起計亦由不了行陰生滅妄謂此處心性湛然以為神我言神我者外道名主諦謂

一切法皆是我所悉以此神而為其主

二者是人觀其心徧觀十方恒沙國土

二劫壞劫不壞

一我常彼無常

三我如微塵轉

見劫壞處名為究竟無常種性劫不壞處

名究竟常跡此人定中乘通見十方界於中見界未壞便執為常見已壞

處執無常性此雖觀器必帶正報○標此相似通也○解三禪已下終為三災所壞

名無常種性四禪以上災不能壞名究竟常

三者是人別觀我心精細微密猶如微塵

流轉十方性無移改能令此身即生即滅

其不壞性名我性常一切死生從我流出

名無常性疏我心如微塵者以心性微密難見故如微塵非謂其小也此

執微細心性以之為我者自在主宰為義故能流轉性無移改我能令此麤蘊色身有生有滅以此麤蘊皆從我心所流出故所流出者名為無常能流出者名為常

四行常
餘無常

性○解我既微細生滅亦然故云即生即滅而此生滅從細至麤相續無間故云一切死生等

四者是人知想陰盡見行陰流行陰常流計為常性色受想等今已滅盡名為無常

後結

疏行陰披露現見遷流故執為常想等觀中暫伏不起故執無常是故此身一分無常一分常也○解前觀我心雖流轉十方性無移改不知我是行陰其體常流今雖見流仍未見識陰之相故對色受想等為常無常也此四顛倒初觀神我及一切眾生即正報也次觀國土與劫即依報也此二對他明常無常三觀我心及身四計陰等此二約自色心明常無常亦從廣至狹也

△
四四有
邊論三

由此計度一分無常一分常故墮落外道

初標

次釋
四

一三世

惑菩提性是則名為第三外道一分常論又三摩中諸善男子堅凝正心魔不得便窮生類本觀彼幽清常擾動元於分位中生計度者是人墜入四有邊論疏想陰盡位計此以為有邊無邊○
標行人到此邪見有無

一者是人心中計生元流用不息計過未者名為有邊計相續心名為無邊疏此人心今流注不息名為無邊過未不見名為有邊此約流用生滅不息無有邊際說無邊耳○解孤山曰生元即行陰也過未不見故各有邊現在相續故為無邊

二者是人觀八萬劫則見眾生八萬劫前

撰述

真經卷之十

九

物八

二衆生

寂無聞見無聞見處名為無邊有衆生處
名為有邊疏雖入萬劫見於衆生然有分
劑故曰有邊此外寂然不見有
生別無分劑故執無邊○解私謂
後八萬劫亦合如前今恐存畧

三心性

三者是人計我徧知得無邊性彼一切人
現我知中我曾不知彼之知性名彼不得
無邊之心但有邊性疏我能徧知一切衆
生一切衆生現爲我
知故我即得無邊心也我曾不知中彼一
切人雖有於知此知且不現我知中以不
現故即是有邊○解孤山曰我曾下謂但
見彼人現我知中而不能知彼人性徧故
計彼性以
爲有邊

四星滅

四者是人窮行陰空以其所見心路籌度

後結

一切衆生一身之中計其滅皆半生半滅
明其世界一切所有一半有邊一半無邊
疏窮行陰空者想盡行露今於觀中研令
取空也以研窮心計度行陰一切衆生一
身之內即生即滅世界亦爾生處有邊滅
處無邊生現見故滅不見故○解資中曰
此計行陰滅處爲空空故無邊以心籌度
復見有生故有邊世界所有義亦如是
私謂此四有邊初唯約自二單約他三具
自他四重計他一切依正斯則前後廣
以成
其次
由是計度有邊無邊墮落外道惑菩提性
是則名為第四外道立有邊論標外道所
計不出有
無

△五四不
死矯亂

支那

真經卷之十

十

物八

初標

又三摩中諸善男子堅凝正心魔不得便窮生類本觀彼幽清常擾動元於知見中生計度者是人墜入四種顛倒不死矯亂編計虛論疏此人於知見中不能決擇有唯婆沙說外道計天常任名為不死計不亂答得生彼天若實不知而輒答者恐成矯亂故有問時答言秘密不應皆說或不定答佛法呵云此真矯亂

一者是人觀變化元見遷流處名之爲變見相續處名之爲恒見所見處名之爲生不見見處名之爲滅相續之因性不斷處名之爲增正相續中中所離處名之爲滅

次釋四

一八

各各生處名之爲有互互亡處名之爲無

以理都觀用心別見別義觀行也於一生見謂常變生滅增減有無也不見見者見不見也滅處不可見故餘如文有求

法人來問其義答言我今亦生亦滅亦有

二唯無

亦無亦增亦減於一切時皆亂其語令彼

前人遺失章句約義答問畧舉六義以不能定其道理但兩楹答故云亦生亦滅等令彼前人於章句中不得義理故云遺失章句

二者是人諦觀其心互互無處因無得證

三只是

有人來問唯答一字但言其無除無之餘

無所言說念念滅處各互互無以心纒生即滅無體可得行既如是諸法

四俱是

亦然故云因無得證
故有問者但答無耳

三者是人諦觀其心各各有處因有得證

有人來問唯答一字但言其是除是之餘

無所言說念念生處各各有因是得證
雖見其心念念有生意許皆有又見其滅
不致答有故但答是擬防其失○標此人
落於常
見外道

四者是人無俱見其境枝故其心亦亂

有人來問答言亦有即是亦無亦無之中

不是亦有一切矯亂無容窮詰此有無俱
計也其境
枝故其心不亂者以不定是一義故成亂
也以前二論但偏證有無今此一論即有

後結

無俱計也亦有即是亦無者意許所有之
中即有於無得成有無計也亦無之中不
是亦有者雖於有中說無二相各別故云
云無中不是亦有若詰無不是有又云亦
有即是亦無互相遮防故難窮詰○解私
謂從二至四於前八中有無分出也二三
單計第四兩亦有即是無如水是水也無
不是有如水非冰也四句之中
但涉三句未見雙非其計猶塵

由此計度矯亂虛無墮落外道惑菩提性

是則名為第五外道四顛倒性不死矯亂

徧計虛論疏如是四論長阿含云一者若
知善惡有報耶若如是問我我不能答有
愧有畏我當答云此事異此世不異此事
非異非不異是為初見二以他世有無問
亦作此答三以何者為善惡問亦作此答

△六十六
有相論手

後別計

念不停卽無盡流也然此行陰與常塗所
辯麤細不同如百論家以識陰爲初想陰
居次受陰第三皆無計未能成業至於
行陰方起煩惱造作諸業是則四陰之中
行陰最麤此據平常未破時說也今觀行
中已破受想須知行陰麤相亦盡唯細相
在故通前三陰俱見遷
流幽隱之元其實難曉

從此或計畢竟煩惱畢竟菩提兩性並驅

各不相觸疏既十六相皆死後有煩惱亦
爾以是生死根故菩提亦爾以

後結

是覺元明故真妄兩驅畢竟無改二皆有
相也○標此皆妄分別有佛有世界○解
上四陰與我既死後有相或復妄計煩惱
菩提理亦如是以煩惱由陰而生菩提由
我而證言畢竟者卽兩
性並驅入未來際也

由此計度死後有故墮落外道惑菩提性

七八無

相論

是則名爲第六外道立五陰中死後有相
心顛倒論標法華會上此此外計云若有
若無等依止此諸見具足六十
二深著虛妄法○解通結五陰正
在前四又雖在前四義唯行陰耳

又三摩中諸善男子堅凝正心魔不得便

窮生類本觀彼幽清常擾動元於先除滅

色受想中生度計者是人墜入死後無相

發心顛倒疏見前三陰已滅當知行陰亦
應還滅卽計死後斷滅總名無
相

見其色滅形無所因觀其想滅心無所繫

知其受滅無復連綴陰性銷散縱有生理

初標

攝述

諸經疏論卷五

七

物八

次釋

初本計

後別計

後結

而無受想與草木同此質現前猶不可得
死後云何更有諸相因之勘校死後相無
如是循環有八無相此約四陰現在因亡未來果滅都成於八

○解見其下明色受想三陰已滅由見先來三陰滅故乃計現前色陰盡也此質下以相從陰性下明現前色陰盡也此質下以現前況死後也色陰既爾受想行亦然如是循例云如是循環等

從此或計涅槃因果一切皆空徒有名字

究竟斷滅疏陰既因果皆無涅槃因果亦皆斷滅斯則有為無為染淨諸

法因果俱無故云一切皆空○解涅槃因果依現陰而修後陰而證陰既已得修證何有耶

由此計度死後無故墮落外道惑菩提性是則名為第七外道立五陰中死後無相

心顛倒論標此毗羅外道執死後斷滅

八俱
非論

又三摩中諸善男子堅凝正心魔不得便窮生類本觀彼幽清常擾動元於行存中

兼受想滅雙計有無自體相破是人墜入

死後俱非起顛倒論疏此先將已滅三陰例現存行陰得四陰

初標

非有偏句又將行存一陰例前已滅三陰得四箇非無偏句前後相望每陰皆得非有非無成四俱非現在既爾死後亦然現在未來共成八也故云死後俱非也○解雙計有無至死後俱非者此有二義一亦有亦無二非有非無下文先計雙亦次計

支那

青島大學圖書館

七

物八

撰述

高僧傳卷之五

三

物八

次釋

非雙
 色受想中見有非有行遷流內觀無不無
 如是循環窮盡陰界八俱非相隨得一緣
 皆言死後有相無相疏色等三陰先雖是有例行亦爾此四非有也行遷流內觀無不無者若將行陰例前為無現且念念遷流不斷此又非無行既非無前三亦爾此四非無也如是循環窮盡陰界者現將四陰循歷相例一一皆見非有非無故云循環推至死後故云窮盡陰界隨得一緣者即此四陰隨舉一陰皆悉死後非有非無今言有無者有即非無無即非有也○解此計雙亦也見有非有謂色受想無也觀無不無謂行陰有也如是循環等例立雙亦也謂三陰無亦如行陰之有行陰有亦如三陰之無四陰各二故名八俱非相言

初本計

後別計

俱非者對前偏計有無得名文意且在雙計有無耳故總結云有相無相
 又計諸行性遷訛故心發通悟有無俱非

虛實失措

疏此但現見行陰遷變生中有是通悟一切皆是非有非無何嘗實無不定實即有無也有不定有實何嘗實無不定無虛何嘗虛舉著皆非故云失措○標此

後結

由此計度死後俱非後際昏膏無可道故
 墮落外道惑菩提性是則名為第八外道
 立五陰中死後俱非心顛倒論疏後際下釋死後非

支那

高僧傳卷之五

七

女八

△九七斷滅論三

義無可道者言有不有言無不無有無二途俱道不得也現在尚爾豈況死後不覺耶故云昏瞢

初標

次釋

又三摩中諸善男子堅凝正心魔不得便窮生類本觀彼幽清常擾動元於後後無生計度者是人墜入七斷滅論是人見行處名後後無設生七處後皆斷滅故成此論○解孤山曰七斷滅者欲開入天色開四禪無色合一計此七處已不生之也

或計身滅或欲盡滅或苦盡滅或極樂滅或極捨滅如是循環窮盡七際現前銷滅已無復疏或計身滅即欲界入天也同界地故欲盡即初禪苦盡即二

後結

禪極樂即三禪極捨即四禪及無色界也現前銷滅者三陰已滅行陰亦爾也七處皆現斷滅死後不復生也○解身滅者欲界入天也欲盡滅初禪欲染已盡故苦盡滅二禪喜無憂苦故極樂滅三禪之樂極故極捨滅四禪捨禪觀喜樂故無色捨色礙故然則極捨之言舍其二也

由此計度死後斷滅墮落外道惑菩提性是則名為第九外道立五陰中死後斷滅

心顛倒論解私謂此計應從第七外道流出但前約橫論今約豎論若攝

橫歸豎則前無相屬今身滅

△十五現涅槃論三

又三摩中諸善男子堅凝正心魔不得便窮生類本觀彼幽清常擾動元於後後有

生計度者是人墜入五涅槃論疏行陰滅有也而復生故

云後

初標指

或以欲界為正轉依觀見圓明生愛慕故
或以初禪性無憂故或以二禪心無苦故
或以三禪極悅隨故或以四禪苦樂二亡
不受輪迴生滅性故以欲界為正轉依者因修觀行發欲界未至定於觀心中見圓明相不捨欲界即是涅槃為正轉依或以初禪性無憂者已離欲染無復憂心得輕安樂故或以二禪心即極樂也或以四禪迷有漏天作無為解苦樂二亡即捨受也五處安隱為勝淨依如是循環五處究竟

次釋

後結

後結勸
弘宣

初結前
諸境

不識教相得此四禪及欲界定少分安樂便計涅槃執有漏天作無為解者因修正定忽發此禪得少輕安非是究竟便妄計執以為涅槃。標見取未亡以邪為正

由此計度五現涅槃墮落外道惑菩提性是則名為第十外道立五陰中五現涅槃

心顛倒論解私謂前標後結今結五現者道流出橫豎攝屬亦如七九之類

阿難如是十種禪那狂解皆是行陰用心

交互故現斯悟眾生頑迷不自忖量逢此

現前以迷為解自言登聖大妄語成墮無

間獄疏此十種境乃是邪見因修正定而忽發生故云狂解由三陰滅覺至行

陰用心差異故云交互苟能深入禪定以慧照察惟心境界不取不著自然銷歇若以為證即墮邪見成地獄因

後勅勸
弘宣
汝等必須將如來語於我滅後傳示末法徧令衆生覺了斯義無令心魔自起深孽保持覆護消息邪見教其身心開覺真義於無上道不遭枝岐勿令心祈得少爲足

作大覺王清淨標指孽災也想陰未盡猶引外魔今想陰盡猶陰明露但於所覺境界別生異見執此爲是故云心魔故令覺察善能消息不失正見能至無上故深付囑傳而示之俾修行者無入邪網失正覺路枝岐邪道也○解前色受想未皆云無令天魔得其方便今行陰後云心魔下識陰後云見魔心見不

出見愛二惑即煩惱魔也於受陰中第五陰即陰魔四魔具矣
首楞嚴經義海卷第二十八

音釋

寤五故切 寤覺也 環灣烏關切 環灣烏關切 燿羊入切 燿閃爍貌 擾而沼切 燿書樂也 環灣烏關切 環灣烏關切 燿閃爍貌 擾而沼切 燿書
問苦吉切 綴知衛切 綴聯綴也 皺側救切 皺側救切 鵠胡沃切 鵠鳥名 慤苦角切 慤苦角切 詰

概述

真經義海卷二十九

七

餘杭縣悟真院比丘大年助刻
 首楞嚴經義海卷第二十八 計字八千八百
 該銀四兩四錢 伏願
 根塵頓淨 佛果早圓 大慈眾生 齊登覺岸
 龍山澤海 雲巖
 崇禎五年孟冬月徑山化城寺識

首楞嚴經義海卷第二十九 經十之二

五破三
 識陰 △

凡遇圓相即是標
 辭與疏同其上文

阿難彼善男子修三摩提行陰盡者諸世
 間性幽清擾動同分生機倏然墮裂沈細

初盡未
 盡相二

初明

區宇二

初行盡

益相

綱紐補特伽羅酬業深脉感應懸絕 疏前
 標人諸世下正明行盡世間性者行陰即
 是世間體性世間有三義一有生滅二性
 有漏三可破壞既墮世間同以行陰生滅
 為性也隱密故幽離想故清擾即是動同
 分生機前是基本今是釋盡義網上破故
 云倏然墮裂沈細下重釋盡義網上破故
 日綱衣領結處日紐皆喻其要也十二類
 生如網如衣行陰貫通微細結要如綱如
 紐補特伽羅云數取趣即總指十二類如
 行陰能轉此類生故云沈細綱紐

支那

真經義海卷二十九

一

女九

是業因伽羅是果報業因亡則孰為引果
 果報息則誰作能酬因果既亡故絕感應
 深脉亦喻行陰幽隱也○解諸世間性即
 十二類生行陰滅性也○同分生機謂與諸
 類同行是業性能持諸陰如羅網之有綱
 盡相行是業性能持諸陰如羅網之有綱
 紐焉補特下明不於涅槃天將大明悟如
 牽來報應猶報也
雞後鳴瞻顧東方已有精色
 疏涅槃名第
 生忍名大明悟明悟在近故名曰將將當
 也欲也如雞後鳴者雞第二鳴天將曉也
 五陰在如全夜陰都盡如大明色受二陰
 破如雞初鳴天全未變今想行又除唯有
 識陰明悟在即如雞後鳴天有精色若約
 位說此當第二漸次也彼文云禁戒成就
 則於世間永無相殺之業偷劫不行
 無相負感應懸絕彼文又云是清淨人
 酬業深察感應懸絕彼文又云是清淨人
 修三摩地父母肉身不須天眼自然觀見

後識陰
 現相

十方世界等即此文云瞻顧東方已有精
 色此則正得似位相似通發也○解孤山
 曰三德涅槃名第一義天前受想盡似證
 尚通如雞先鳴天色猶昧今行陰盡唯識
 陰在明悟非久如雞後鳴天行陰盡唯識
 五陰伏有次第斷無先後今取將破別惑
 為後初破通惑為先
 斷伏頓漸如下所辯

六根虛靜無復馳逸內湛明入無所入

疏由定所攝無行陰使雖存六根識不馳
 散故云虛靜無復馳逸唯專內境定心內
 照故云內湛明又內者深深寂照也
 窮到識陰更無所見披露故湛明下文云
 陰既盡故虛靜識陰被露故湛明下文云
 又汝精明湛不搖動於身不出見聞覺知
 即其相也當知見聞等雖有內外以湛明
 故而無能入所入之異經或作內外以湛明
深達十方十二種類受命元由觀由執元

諸類不召疏受命元由即是識陰今觀識
惱不作新業由是執持不令趣於十方界
果無受生分故云諸類不召

已獲其同精色不沈發現幽秘此則名為

識陰區宇既知識是生類元由故十方界

斯則三界唯心萬法皆識先雖同教今體

中明見也精色不沈所觀境界也由觀力

故境界明白故云不沈發幽秘者似通發

也未至此位諸根暗昧不能遠觀故云幽

秘今由觀力六根清淨不由天眼徹見諸

界等故云發現之際識陰為先也而此

三和合成命受生之際識陰為先也而此

元尚復是入法二執之本今觀中所見雖

未銷盡且無行業招引來報故云諸類不

召又見十方一切依正唯識所變故云已

獲其同精色不沈即湛明

也發現幽秘無所覆也

後明
盡相

次正明
現境

若於羣召已獲同中銷磨六門合開成就

見聞通鄰互用清淨疏初二句指在識陰

慧力銷磨根隔令其開通合成一體則見

聞覺知互相為用斯則明不循根寄根明

發也故云互用清淨此識盡獲證是第

三漸次證無生法忍也故云如是清淨

持禁戒人心無貪婬於外六塵不多流逸

因不流逸旋源自歸塵既不緣根無所偶

返流全一六用自歸塵既不緣根無所偶
銷磨六門既云返流全一即是合開成就
互用清淨也彼說由戒故與此異。解羣
召雖異識體是同若於同中銷磨六門見
愛之惑則能合成一體明為六用六門不
隔皆悉通鄰即法華所開六根清淨也

十方世界及與身心如吠瑠璃內外明徹
名識陰盡疏世界身心皆唯識現今識陰
盡唯見覺體覺體明妙如淨瑠

支那
高麗
三
女

一因所
因執二

瑤一無障礙名內外明徹身心為內世界
 為外俱無所得故云明徹前文云十方國
 土皎然清淨譬如瑠璃內懸寶月身心快
 然妙圓平等獲大安穩一切如來密圓淨
 妙皆現其中是人即獲無生法忍即知識
 陰盡者是隨分覺也交殊亦云一處成休
 復六用皆不成塵垢
 應念銷成圓明淨妙
是人則能超越命濁
觀其所由罔象虛無顛倒妄想以為其本
 命體即識陰也以命煖識三俱時而轉識
 既已離命煖隨亡故超命濁罔象虛無者
 此是覺明初起影象之相攬此妄想虛無
 影象以為識體即業轉二相也標前文
 云汝等見聞元無異性眾塵隔越無狀異
 生性中相知用中相背同異失準相織妄
 成是第五重名為命濁上之五重從三細
 六麤互為形待混真成濁止觀破五陰時
 從六麤至三細成大覺
 山日罔象亦做象皆不實貌

初約其
所計

阿難當知是善男子窮諸行空於識還元
已滅生滅而於寂滅精妙未圓
 識未破正在細生滅故云精妙未圓以
 也。○解私謂識陰湛不搖處即是還元而
 此還元望前已滅行陰得各然於當體未
 證寂
能令已身根隔合開亦與十方諸類
通覺覺知通溜能入圓元
 根隔未全互用也諸類通覺者於此觀中
 已見十方眾生及與我身同一覺性互相
 融全無識影殊為此寂滅故前文云也此境
 界全是識影未為寂滅故前文云也此境
 滅精妙未圓。○標行人於此無所得心定
 慧發明便入無生忍也。○解此示觀中所
 發之相也非唯已身根隔合開亦見諸類
 同我識相覺知下重牒所發結歸陰元也

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

實錄卷二十一

四

牝丹

後判屬

邪徒

斯亦功用暫得如是不生勝解名善
境界由起邪執故墮下文外道種類
若於
所歸立真常因生勝解者此所入通覺之
境認爲真常便立爲因能生一切即爲
所歸究竟之處決定不謬故云勝解

是人則墮因所因執娑毗迦羅所歸冥諦

成其伴侶迷佛菩提亡失知見是名第一

立所得心成所歸果遠圓通背涅槃城

生外道種於所因識陰執爲真常是萬法

虛妄生滅今計有因是真常性即與外道

所執冥諦是常能生一切無有差別此即

計阿賴耶識未形兆前冥然之初爲冥諦

也迷佛菩提者菩提云覺覺體離念離念

相者等虛空界無所不徧法界一相今執

有法從一因生能所差別故云迷也不如

二能非
能執

初約其
所計

實知故云亡失知見所得心即識陰也因
中爲所得果上爲所歸耳餘文可解問據
下七段皆云能非能等獨有此文爲因所
耶答以一切諸法皆從識變正是所以
不了虛妄執爲實因故外道下文直顯
當體虛妄故云非能等也○標娑毗迦羅
師事梵天計非色非空認藏識爲冥諦六
師外道俱闍梨等皆是其黨○解資中曰
因所因執者迷識陰爲冥諦執冥諦爲生
本也真際曰認圓元爲真常計真常爲妄
指體下因對用上云二取後義是則上因
謂所依能生諸法故果謂所證計
爲極理故蓋同實而殊號者也

阿難又善男子窮諸行空已滅生滅而於

寂滅精妙未圓若於所歸覽爲自體盡虛

空界十二類內所有衆生皆我身中一類

支那

實錄卷二十一

五

文此

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

黃林廣經義卷二十九

五

牝

後判屬

邪徒

流出生勝解者疏前計雖執識陰為真常是我之自體一切衆生皆從我出我能生彼決定不謬也。標精妙未圓者識陰未盡也。

是人則墮能非能執摩醯首羅現無邊身

成其伴侶迷佛菩提亡失知見是名第二

立能為心成能事果違遠圓通背涅槃城

三常非

生大慢天我徧圓種疏實非能生執以為羅即大自在天三日入臂外道所宗為能因也現無邊身者以執我能現起無量衆生也因既能為果成能事因果相稱也。解孤山曰能非能執謂我是能生彼皆所生也資中曰如俱舍破能生世間有何義利等

初約其

所計

又善男子窮諸行空已滅生滅而於寂滅

精妙未圓若於所歸有所歸依自疑身心

從彼流出十方虛空咸其生起即於都起

所宣流地作真常身無生滅解在生滅中

早計常住既惑不生亦迷生滅安住沈迷

生勝解者疏所歸即識陰前覽所歸為自身今認所歸為他體故疑自身

及一切法從彼生起都宣流地即識陰也

妄認為他是真是常是無生滅惑不生者

本覺常住不生諸法迷而不解也亦迷生

滅者妄認識陰為真常也二俱不識故曰

沈迷堅執不轉故云安住

是人則墮常非常執計自在天成其伴侶

後判屬

邪徒

支那

黃林廣經義卷二十九

六

文九

四知無
知執

迷佛菩提亡失知見是名第三立因依心
成妄計果違遠圓通背涅槃城生倒圓種
於無常處妄計為常各常非常執自在天
即首羅也前計他從我生今執我從他起
故云計自在也因依心即識陰也立為他
體計能生我故同外道計彼為常生滅安
中曰自在天與前不別此天現有生滅從
計為常故云在生滅中早計常住私謂從
彼流出者此指所歸識陰為彼非指他人
也以識陰圓元為常自己身心及十方虛
空為非常非常即生滅也既見非常從常
流出乃計生滅即是常住下文知無知執
義例亦然

初約其
所計

又善男子窮諸行空已滅生滅而於寂滅
精妙未圓若於所知知徧圓故因知立解

後判屬
邪徒

十方草木皆稱有情與人無異草木為人
人死還成十方草樹無擇徧知生勝解者
疏所知即識陰也是彼觀行所知境故識
陰能變一切諸法名知徧圓悟此諸法從
知變起以知為體故云因知立解十方草
木下即解之行相也既此依正皆從知有
何得一知一無知耶故無揀擇一
切皆知自謂決定不認故云勝解

是人則墮知無知執婆吒霰尼執一切覺
成其伴侶迷佛菩提亡失知見是名第四
計圓知心成虛謬果違遠圓通背涅槃城
生倒知種草木無知而執有知故云知無
知執婆吒霰尼二外道也涅槃
云婆私吒及先尼梵音小轉既執一切覺
即草木有命也圓知即徧知也虛謬果者

五生無
生執

初約其
所解

斥成妄想此即不了皆是妄想所變妄想
 疑結假立無情妄想流動假各有情如前
 文云想澄成國土知覺乃衆生以不善分
 虛妄識有內分外分故成計執以解孤由
 日知無知執者草木無知強謂有知也夫
 常住真心一體無二用諸妄想依正及分
 是故衆生草樹悉如空華皆是有情自心
 所變執情不人以謂一草木各各有知
 遂說木死爲人人死爲木未明一體謬知
 偏圓違遠圓通職由此矣婆吒霰尼兩外
 道號見涅槃經彼謂一切覺知乃
 云草木有命今所發見正與彼同

又善男子窮諸行空已滅生滅而於寂滅
 精妙未圓若於圓融根互用中已得隨順
 便於圓化一切發生求火光明樂水清淨
 愛風周流觀塵成就各各崇事以此羣塵

後判屬
邪徒

發作本因立常住解疏根互用中得隨順
 應故云隨順便於圓化一切發生者一切
 諸法同名變化故云圓化皆可修習能成
 聖果故云一切亦爾皆以於一根暫得諸用
 由此例知一切亦爾皆以於一根暫得諸用
 成知見取常任果故求火樂水愛風
 觀塵也。標羣塵即地水火風也

是人則墮生無生執諸迦葉波并婆羅門
 勤心役身事火崇水求出生死成其伴侶
 迷佛善提亡失知見是名第五計著崇事
 迷心從物立妄求因求妄冀果違遠圓通
 背涅槃城生顛化種疏四大之性實不能
 生故云生無生執迷心從物者迷失唯心
 所現而各隨順崇事以求常住因果俱妄

六歸無
歸執二

初約其
所解

故成妄求妄真也。○解私謂圓化者謂觀中所見圓融變化唯識之境也一切發生即四大之相也觀塵成就別名地大以此羣塵通指四大既見此等並由圓化乃此修因證果不出火之光明水之清淨等故日發作本因立常住解生無生執者謂四大之生即常住之無生也迦葉波亦婆羅門別姓下所并者總攝其類

又善男子窮諸行空已滅生滅而於寂滅精妙未圓若於圓明計明中虛非滅羣化以永滅依為所歸依生勝解者疏明中虛理即所觀識也已滅生滅故明中虛非即是滅故云非滅色受想行攝一切法名為羣化永滅依即明中虛也此計空為所依歸處即涅槃也。標此計即認為究竟涅槃也。

後列屬
邪徒

七貪非
貪執二

初約其
所解

是人則墮歸無歸執無想天中諸舜若多成其伴侶迷佛菩提亡失知見是名第六圓虛無心成空亡果違遠圓通背涅槃城生斷滅種疏此明中虛實非所歸而計於大劫想心不行也舜若多四空處也圓虛無心斷滅因也空亡果斷滅果也。標受想於定中暫得起四空觀中妄認究竟矣。解明中虛者前云罔象虛無是也非滅羣化非猶破也羣化即四大等孤山日歸於無歸故曰歸無歸執無想天滅心心所舜若多主空神也

又善男子窮諸行空已滅生滅而於寂滅精妙未圓若於圓常固身常住同于精圓

長不傾逝生勝解者疏執識陰以為長
故云同於精圓長不傾逝

後判屬

邪徒

是人則墮貪非貪執諸阿斯陀求長命者

成其伴侶迷佛菩提亡失知見是名第七

執著命元立固妄因趣長勞果違遠圓通

背涅槃城生妄延種根身虛妄本是無常

今堅貪著妄執長生故云貪非貪執阿斯

陀者云無比即長壽仙也長勞果者勞即

牢字聲之誤耳妄執延年故云妄延。解

八真非
真執二

又善男子窮諸行空已滅生滅而於寂滅

其常乃執色身同此精圓也

初約其所解

精妙未圓觀命互通却留塵勞恐其銷盡

便於此際坐蓮華宮廣化七珍多增寶媛

縱恣其心生勝解者疏觀識陰為十方衆

命之通要由是我命通彼彼命通我故云

互通今觀識陰若盡十方衆生命即皆盡

我命亦盡盡即敘誰證真常理誰為所化

衆生徒有真常無證真者故留塵勞。却

起貪欲欲有蓮華宮及諸欲境界受樂圖

命不滅俾要證真起用化物作此執計定

不移轉故云勝解媛女寶也

後判屬
邪徒

是人則墮真無真執吒枳迦羅成其伴侶

迷佛菩提亡失知見是名第八發邪思因

立熾塵果違遠圓通背涅槃城生天魔種

九定性
聲聞

起惑恣欲實非證真計此即能證真起用故云真非真執吒枳迦羅未見正譯此既能化欲境受用即是欲界自在天類也邪思因者既於定中發此邪念不能善察由此熾盛趣塵勞事故同天魔耳○解真際日觀命互通下謂於羣召已獲同中無彼召因恐亡其果故却留塵勞也孤山曰真無真執者將欲復真而反戀於俗也私謂此約在家修禪得通者說故有廣化七珍多增寶媛之事

初約其所解

又善男子窮諸行空已滅生滅而於寂滅精妙未圓於命明中分別精麤疏決真偽因果相酬唯求感應背清淨道所謂見苦斷集證滅修道居滅已休更不前進生勝解者疏識陰露現故日命明識既含藏漏無漏種今於此中分別決擇苦集有

後判屬邪徒

漏名麤名偽道滅無漏名精名真釋去麤偽苦集而留精真道滅故云分別精麤等修道為感證滅為應但取於此故云唯求垢名清淨道者本修圓觀法界平等離二邊背所謂下釋前義也○標避喧求靜執為竟

十定性
緣覺

是人則墮定性聲聞諸無聞僧增上慢者成其伴侶迷佛菩提亡失知見是名第九圓精應心成趣寂果違遠圓通背涅槃城生纏空種定性者且就一期趣寂無改判聞僧者不了識陰迷為涅槃故同此也圓謂周徧精謂非麤已離行陰謂諸命元故日圓精稱乎妄計故云應心○標未得謂得未證謂證沈空滯寂如焦穀芽不能發

初約其
所解

生隨入魔境也。○解孤山曰命明識也謂於識陰圓明之中忽發小解因此分別苦集是蘊是偽滅道是精是真也又知苦果酬集因滅果酬道因於是見苦斷集唯求道滅感應也既發小解乃背圓融常樂我淨之道今於四德畧舉其一所謂下釋成上意無聞僧者妄執小道以為究竟故與夫謂四禪為四果增上慢人為害一揆

又善男子窮諸行空已滅生滅而於寂滅精妙未圓若於圓融清淨覺明發研深妙即立涅槃而不前進生勝解者融本觀圓體今見識陰離行生滅謂深且妙立為涅槃不知流注故不前進○標行人定中觀起認此識陰便為究竟

是人則墮定性辟支諸緣獨倫不迴心者

後判屬
邪徒

後結勸
弘宣四

成其伴侶迷佛菩提亡失知見是名第十
圓覺洳心成湛明果違遠圓通背涅槃城
生覺圓明不化圓種認識陰為圓覺符妄計為民心寂焉不動

非無覺了故云湛明證識覺之圓明無悲化之妙用故云不化圓種唯識論云聲聞畏苦障緣覺捨生障是教觀緣但離緣生有二類一定性緣依教觀緣不隨佛緣修虛妄名為解脫二定緣獨覺不隨佛緣修行出無佛時居山野觀四時榮枯即立究竟涅槃也。○解本覺識陰三諦圓融而偏著妙空透生小解故即安立涅槃化城而不前進中道實有二焉資中曰耽寂滅果覺佛世滅後故有不化圓種私謂成捨生障是各不化圓種私謂化變也以定性不迴故云不化

阿難如是十種禪那中塗成狂因依迷惑

一結前
斥失

於未足中生滿足證皆是識陰用心交互
 故生斯位衆生頑迷不自忖量逢此現前
 各以所愛先習迷心而自休息將爲畢竟
 所歸寧地自言滿足無上菩提大妄語成
 外道邪魔所感業終墮無間獄聲聞緣覺
 不成增進疏中途成狂者方在似覺未成
 不退邪慧發生故云成狂不察
 識陰微細生滅便謂已證故云因依迷惑
 等餘文可解。標中途後定性二位也。解
 入種於未足中等結後也。前入通名外道邪
 大妄語者別指前入也。前入通名外道邪
 魔亦可別指七是外道八是邪魔俱未
 斷惑故云墮獄二乘異此故云不進

汝等存心秉如來道將此法門於我滅後

二勸
弘宣

傳示末世普令衆生覺了斯義無令見魔
 自作深孽保綏哀救銷息邪緣令其身心
 入佛知見從始成就不遭岐路疏深勸後
 世了識

陰未盡有此十境發相知而覺察見魔自
 息迷而取著必落偏邪入佛知見證真位
 也從始初修也成就果滿也不遭岐路中
 間更無委曲相也即前八類耳。解言見
 魔者見以違理爲名前八違真。中理起
 界內邪見後二違中道理起界外邪見以
 二乘智即無明故又前八中七純是見入
 具見愛以留塵勞生勝解故問前受陰盡
 已超見濁位得意生身者言之今在伏位於
 前約斷位得意生身者言之今在伏位於
 二陰區宇中發也此五陰文若迷
 斷伏之義雖有妙辯其何以銷之

如是法門先過去世恒沙劫中微塵如來

支那

首楞嚴經卷之十九

三

九

三顯佛
所乘

乘此心開得無上道疏無有一佛不破五了故免岐路。標乘此法門一門超出妙莊嚴路前云過去諸佛如來斯門已成。就解如是法門且指識陰禪那見相過去諸佛無不覺了入佛知見故曰乘此心開

四陰盡
功用

能入菩薩金剛乾慧疏現前根互用者即忍也前文已見從互用中入乾慧者即此互用便是已入乾慧地也互用即是自在一切如來密圓淨妙皆現其中不行乃至法忍從是漸修隨所發行安立聖位是則名為第三增進修行漸次則始從乾慧終至等覺俱不離此第三漸次兩建立也今約從總入別故云從互用中入也言金剛者以此行人從始至終皆由修習金剛三昧而得成就故前文云是種種地皆以

○二後結
勸四

金剛觀察如幻十種深喻奢摩他中用諸如來毗婆舍那清淨修證漸次深入或可此約利根之者到乾慧地精心發化遂超因位直入妙覺故得別受金剛之號若鈍根者隨所發行更歷諸位故不得受金剛之名但稱乾慧耳更將此位立於等覺後心其如前文何云如來逆流如是菩薩順行而至覺際入交名為等覺豈可於入交後更立乾慧地耶古人迷此於等覺後更立金剛乾慧一位誠誤後學理例俱無不敢開命寶月圓明精心於中發化如淨瑠璃內舍解孤山曰諸根互用即圓教相似七信界內思惑已盡後心也天台明乾慧者從相似位超入等覺後心與此符合圓教利根一生有超登十地者與此符合圓明下示後心所證有如是乃超十信十住法有喻有體有用

十行十迴向四加行心菩薩所行金剛十

地等覺圓明入於如來妙莊嚴海圓滿菩提歸無所得疏於乾慧心既證圓妙此之云發化慧心如瑠璃因行如實果德如月此喻一中現無量無量中現一因行果德一時具足無礙圓明故如瑠璃內含寶月超因入果由前發化因果具故乃得超極福足故名莊嚴海慧足故圓滿菩提極故歸無所得即大涅槃常寂無得也此是圓頓下根又利者也由下品故至識陰盡方得入位由又利故於此發化乃超諸位問前受陰盡即云上歷菩薩六十聖位今識陰盡何故言超答前約上根稍鈍者說例今亦合有頓超者今約下根又利者說故得言超例前受破亦合有歷聖位者前後互現耳想行陰盡合是中超歷之處畧故不說○標得金剛如幻觀察三昧云歸無所得○解金剛乾慧是妙覺無間道轉入解脫道即妙覺也故云入於如來

一總指 魔事

等也妙莊嚴海是福究竟圓滿菩提是智究竟歸無所得是理究竟福即解脫智即般若理即法身不縱不橫三德祕藏於茲具顯遠討其因實由初心修習奢摩他三摩禪那三止之功也

此是過去先佛世尊奢摩他中毗婆舍那覺明分析微細魔事疏覺明即觀慧也○標唯佛與佛乃能知之因位行人

宜須先覺

魔境現前汝能諳識心垢洗除不落邪見陰魔銷滅天魔摧碎犬力鬼神褫魄逃逝魑魅魍魎無復出生直至菩提無諸少乏下劣增進於大涅槃心不迷悶禪撤去也鬼魄撤去

二識節

離邪

三別顯
呪能

而逃逝也。○解奢摩他毗婆舍那者即定而慧也。私謂微細魔事總括五陰所現之境也。前結識陰云乘此心開今結五陰云覺明分析當知由分析故心開互現其文也。大力鬼神等別指想陰中年老成魔之類禪驚也。

若諸末世愚鈍衆生未識禪那不知說法樂修三昧汝恐同邪一心勸令持我佛頂陀羅尼呪若未能誦寫於禪堂或帶身上一切諸魔所不能動。疏不別修習次第故慧方便故云不知說法定慧不習而樂智禪魔境現前孰分邪正當勸持呪安其正解防其邪慮即不墮魔也。

汝當恭欽十方如來究竟修進最後垂範

四勸令
欽奉

是諸如來究竟了義之說又是出世最後時說故云最後垂範也。○標初阿難示遭魔婁溺在愛見之坑佛勸文殊將呪往護提獎見佛恨無始來一向多聞未全道力殷勤啓請十方如來得成菩提妙奢摩他三摩禪那最初方便此阿難通請也。向云如來一別答云有三摩提心破執破云即許說成道妙行也。七處徵心破執破疑入還四義也。三因不生即信解真正為最初方便洎復請多聞無功如天王賜與華屋至圓通思修入此顯行證為旣滅寂滅現前獲二種殊勝三摩地生滅旣寂便及乎將罷法座無問自說五十種魔事蓋修止觀之人破五陰時激動無始界中無明煩惱種子每一陰有十種若行人辯認邪為正即墮地獄故佛大悲令行人辯識不遭邪魔故佛囑付阿難汝當恭欽此五陰中遠離魔境是十方如來修行究竟修進最後垂範者也。○解夫返妄旋真非行不克行之大畧唯信法焉從聞法而入

者曰信行從思惟而入者曰法行然其二
 行必假相資今云未識禪那卽法行者未
 識五陰禪那現境也是不知說法謂不知以
 信行而資法行也由是之故名爲愚鈍若
 於三昧好樂修習佛慮斯人爲魔所惱故
 囑阿難勸持神呪也嚙出學大乘者孰不
 自謂得真三昧以信法二行審之空空如
 也或讀此經安有自省愚鈍誦寫其呪而
 防諸魔事乎然則大明不能破長夜之昏
 慈母不能救亡子之苦悲夫孤山日夏滿
 說經前春示滅滅在
 不久故云最後垂範

首楞嚴經義海卷第二十九

河南居士周光夏 江西居士聶文麟 吳江
 居士沈正宗 金陵比丘性修 方燧全補刻
 首楞嚴經義海卷第二十九 計字八百
 八十箇 該銀四兩一錢四分 伏願
 六根雪淨 三障水清卽生啟悟妙心 世世弘開
 道眼 龍山釋海瓊對 伏願
 崇禎五年仲秋月徑山化城寺識

後阿難因

聞請益

初阿

難問三

初欽奉

前問

次正伸

三問

後祈爲

開示

首楞嚴經義海卷第三十 經十之三

凡遇圓相卽是標
 辭與疏同其上文

阿難卽從座起聞佛示誨頂禮欽奉憶持

無失 標此結集者
 序致之辭

於大衆中重復白佛如佛所言五陰相中

五種虛妄爲本想心我等平常未蒙如來

微細開示 疏問妄想也未聞五陰總是妄
 想而各有殊有本云微妙開示

又此五陰爲併銷除爲次第盡 問除斷頓
 漸也併卽

也如是五重詰何爲界 問邊際也
 界分也

惟願如來發宣大慈爲此大衆清明心目

後如

來答三

初正答

所問三

初答

妄想三

初總

明二

初顯真

覺圓淨

以為末世一切衆生作將來眼眼目左右之言皆喻

心也心明照了如目之見

佛告阿難精真妙明本覺圓淨非留死生

及諸塵垢精真法身也妙明般若也圓淨解脫也三德圓融唯一本覺死

生苦道也塵垢業煩惱也斯則妙性圓明離諸名相耳

乃至虛空皆因妄想之所生起斯元本覺

妙明精真妄以發生諸器世間如演若多

迷頭認影不更具寂色之與心三種相續故云乃至虛空無為尚是妄生

豈況有為一切諸法狂癡故有故如認影標一迷真心認物為已解私謂精真

中道也妙明寂照也寂故即假照故即空中諦融通元無塵垢總名本覺圓淨此單

後明妄

想發真

初順叙

妄起

次及破

妄因三

初示

無因

次破

妄執

論真性也乃至下單論妄想生起諸法斯單論則不知離義無後合明則不知即義迷頭認影事匪條然

妄元無因於妄想中立因緣性疏既稱為妄因自諸妄

因若有所因不名為妄故云無因自諸妄想展轉相因交妄發生遞相為種故云於

因緣性中立

迷因緣者稱為自然彼虛空性猶實幻生

因緣自然皆是衆生妄心計度猶是妄執說有因緣

更認自然迷中倍者故云衆生妄心計度標彼虛空幻生者前云當知虛空生汝

心內猶如片雲點太清裏況諸世界在汝空耶解立因緣性謂自他共性並下自

然則四性備矣彼虛空性此指體性之性既由迷妄有虛空依空立世界空猶幻有

世界可知故法華云知法常無性者是也
衆生於無性中惑爲因緣及自然性皆是
妄心分別計度

後總

結斥

阿難知妄所起說妄因緣若妄元無說妄
因緣元無所有何況不知推自然者若知

後結成

虛妄

次別

許說因緣妄元無生說誰因緣因緣尚是
妄中建立而況不知是妄推爲自然耶○
標起信云衆生以不知真如法一故不覺
動念現六塵境卽是五陰妄想也○解據
理合云不知妄所起說妄因緣反顯知妄
則不說也故前文云既稱爲妄云何有因
今言知妄而說因緣者縱而言之卽以諸
妄爲後妄之因也如前文云自諸妄想展
轉相因若妄元無下奪而言之因緣尚
無自然妄在以勝況劣用遣執情耳

是故如來與汝發明五陰本因同是妄想

顯五

疏五陰之因元妄所結此卽於妄想中立
因緣性也此因緣性妄中權立欲令了法
元無所有是故同名一妄想耳○標但一
虛妄更無由緒○解此結前所談亦生後

一色

汝體先因父母想生汝心非想則不能來
想中傳令疏正指是想也攬父母遺體而

故云父母想合生成此身遺體卽是想愛流出
以想遺體爲勝境故識卽趣彼結成胎臍
故云汝心非想不來傳命斯則三處妄臍
和合結成此體也○標前文云同業相纏
合離成化見明色發明見想成異見成憎
同想成愛流愛爲種納想爲胎交遭發生
有因緣耳故我先言心想酢味口中涎
生心想登高足心酸起懸崖不有酢物未

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二受

來汝體必非虛妄通倫口水如何因談酢
 出物俱不到身由汝所引破想陰文懸崖醉
 酸水若非妄想同類孰有是故當知汝現
 水等生焉通倫猶同類也
 色身名為堅固第一妄想結歸立名也以
 想是故應知妄想凝結即成色陰故云堅
 固○標前文云譬如有人以清淨目觀晴
 明空唯一睛虛迥無所有其人無故不動
 目睛瞪以發勞則於虛空別有任華復有
 一切狂亂非相色陰當知亦復如是○解
 汝體遺體也相謂欲想在中陰時若無
 欲想則不能來父母欲想在中陰時若無
 如我下引前破想陰喻顯此妄想
 即此所說臨高想心能令汝形真受酸澁
 由因受生能動色體汝今現前順益違損

三想

二現驅馳名為虛明第二妄想躡前四句
 動身之想即明受陰是妄想也由因下正
 顯也因想梅等便有受領若非領納焉得
 永生此受亦是妄想轉變妄生領納也二
 驅馳者領此違順生苦樂法遂成損益為
 彼所使照境而領虛通無礙故曰虛明○
 標前文云譬如有人談說醉梅口中水出
 思踞懸崖足心酸澁想陰當知亦復如是
 此喻在後耳○解由因受生者因想故受
 生也能動色體即形受酸澁也當知前受
 云汝體先因父母想生下文云種種取像
 心生形取皆同懸崖醉物之想由是明之
 此三妄想其體盡現非如行識幽微難見
 所以前中所發天魔其相亦羸後前下
 正示受相也順益即樂受違損即苦受合
 有非違非順即不苦
 不樂受但是文略耳

由汝念慮使汝色身身非念倫汝身何因
 隨念所使種種取像心生形取與念相應
 寤卽想心寐爲諸夢則汝想念搖動妄情
 名爲融通第三妄想疏初二句標念慮卽
 爲也身非下釋初三句正顯非若皆想所
 以隨念種種下五句正顯此取前境先須
 想像後身隨之想若是實何須形取形若
 非想自不能行二既相須豈非虛妄故云
 與念相應寤寐雖異皆是想爲寐旣成夢
 夢非有實應知寤想正是實耶則汝下結
 是知現今想像念慮正由妄情搖動故爾
 焉不是妄融色質通心念變境像成夢寐
 故云融通妄想○標前喻想陰屬此第三
 今受陰喻第二妄想交云譬如有人手足
 宴安百骸調適忽如忘生性無違順其人
 無故以二手掌於空相摩於二手中妄生

四行

澁滑冷熱諸相受陰當知亦復如是○解
 心生形取謂心念若生形質必取想高酸
 起取之驗也寤寐等由想
 成夢以顯妄念常無間然

化理不住運運密移甲長髮生氣銷容皴

日夜相代曾無覺悟疏顯行相也初二句
 標行陰遷流微細難

前三句釋不住密移也甲長下釋阿難此若

非汝云何體遷如必是真汝可無覺標非
 汝

不可是汝則汝諸行念念不停名爲幽隱

又無憑疏示虛妄也真猶實也行陰若
 非汝體何得相代不停又若實

第四妄想非汝體何得相代不停又若實
 是汝身何不知覺生滅非汝不可是汝無

憑故知虛妄則汝下結想名密移難覺故
 云幽隱○標前文云譬如瀑流波浪相續
 前際後際不相踰越行陰當知亦復如是

識五

以遷流生
滅為義

又汝精明湛不搖處名恒常者於身不出
見聞覺知疏牒指識體也初三句牒計也
行人所認微細明了離生滅湛

初正辨
其相

然不動日為常住者即識陰也於身下指
體也識陰豈越見聞覺知此約用指也
即無明本立知標知見立知若實精真不容習妄何因汝

等曾於昔年覩一奇物經歷年歲憶忘俱
無於後忽然覆覩前異記憶宛然曾不遺

失則此精了湛不搖中念念受薰有何籌

算疏正顯虛妄也初二句反標若此湛明
是真實性不合容受虛妄習氣習氣即
種子也何因下九句順釋憶忘俱無者即
若有憶則有忘時元既無憶故不說忘覆

親者再見也再見既無所遺此則容受妄
習故知虛妄非真湛明則此下結計也受

薰持種發起現行流注生滅不可計矣
標知見無見斯則涅槃無漏真淨云何是

中更容他物○解名恒常者諸解並謂識
已離行義一者如向觀此中五陰次第

應通二義難等現前而示若然則精明不
者祇就阿難等離行陰也真際曰此陰通收

節亦未必已離行陰也真際曰此陰通收
入識用動體常見聞精明同一識陰私謂

節不意以見聞為用則動精明為體則常
而不知今文即以見聞為精明對境時雖
體何則識無所存編在諸根對境時雖
涉於用用在無記未起善惡指此無記名
為精明湛不搖處若約分齊明之五識五
計此為常故寄阿難先且定云名佛恐常生
若實精真不容習妄此破其常也精謂精
明真即恒常何因下示妄習相念念受薰
者以昔覩奇物納種在識若不受薰覆覩

後重顯

微細

前異必無記憶之相既不忘失則知中間常為無明念念薰習薰習即妄何精真之

阿難當知此湛非真如急流水望如恬靜流急不見非是無流若非想元寧受妄習非汝六根互用合開此之妄想無時得滅

疏正顯微細也識陰離行故名為湛不是常住故云非真喻急流者凡夫二乘全不見覺知十地已前雖覺未盡故云流急不見若非想元等者顯此正是妄想根本以第八識為界趣生之本也非汝下四句明難斷互用合開者寄根明發故云互用開令無隔合為一體也如前文云返流全一六用不行開即是合故無二別若非證真此難滅矣○標微細生住異故汝現在見聞滅流注不息妙覺方盡

覺知中申習幾則湛了內罔象虛無第五

顛倒細微精想疏因細得各也此是諸識之中申習機要亦名精明

湛不搖處故云湛了即本識也有而若無故云罔象罔無也象似也非有形質故曰

虛無望前行陰最為其細再三示陰各之精也○標前四謂之妄想此識陰名之精

想蓋是識精元明能生諸緣緣所遺者由諸有情遺此本明雖終日行而不自覺枉

入諸起前文云譬如有人取類伽餅塞其兩孔滿中擊空千里遠行用何等始破陰

當知亦復如是○解六根互用等始破陰思故妄想得滅即塵垢先落也問上文受

薰約無明說今妄想滅何止見思耶答無明所薰亦見思想現雖盡而根本猶存非

謂六根得真互用問此首楞嚴體無不圓宗無不極至於破陰力用何短乎答非是

力用不協體宗由辯魔中五十重境皆從

後總結

分段五陰妄想中現今齊此論滅故且至
 六根互用若如前又反流全一六用不行
 即破根本無明有異此中顛倒妄想也往
 人未曉所說雷同更請後賢精究斯義
 阿難是五受陰五妄想成疏此五即義
 通名受亦曰五取蘊衆生取此爲自體故
 標前阿難問云如佛所言五陰相中五
 種虛妄爲本想心我等平常未蒙如來微
 細開示故也若總明五陰本因同一妄想
 爲別顯成色受想行
 識五受陰妄想耳

次答 邊際

汝今欲知因界淺深 疏答請何爲界也界
 依界分際限別 唯色與空是色邊際 色謂
 故故云因界 唯色與空是色邊際 色謂
 空謂顯色俱色蘊攝妄色妄空互形互顯
 故略舉色空攝一切盡標前文云汝見
 虛空徧十方界空見不分有空無體有見
 無覺是色邊際○解孤山曰四大圍空而

成色唯觸及離是受邊際 疏觸有違順即
 無違順但捨受也○標前文云汝身現搏
 四大爲體見聞覺知壅令留礙水火風土
 旋令覺知是受邊際○解資中曰唯記與
 觸有苦樂離即成捨俱名爲受
 忘是想邊際 疏記憶忘分齊耳○標前文云
 又汝心中憶識誦習性發知見容現唯滅
 六塵離塵無相離覺無性是想邊際
 與生是行邊際 疏生滅遷流利那四相但
 文云又汝朝夕生滅不停知見每欲流於
 世間業運每常遷於國土是行邊際○解
 私謂三相遷流俱屬於國土是行邊際
 陰路舉前行陰以攝於異 湛入合湛歸識邊
 際 疏湛前行陰合歸識陰見識不動認爲
 真湛齊此名爲識陰邊際以見行陰是
 生滅法離生滅處必是湛寂就所認處即
 識分齊也○標前文云汝等見聞元無異

兩信想盡在三四行盡在五六識盡入七
 信已去今何以總判五陰盡在七信將非
 一辯矯異先說乎答非好辯也誠有以也
 佛心按文二詳義且按文者前色陰盡見諸
 身隨往無礙想陰顯現其像受陰盡得意生
 行陰盡於涅槃天將大明悟識陰盡即得
 清淨之明文乎二說義者如前說色陰妄
 想云汝體先因父母想生汝心非想則不
 能來想中傳命以此觀之色由想生色陰
 若亡想陰必盡想陰若盡既無陳習豈非
 已斷思惟煩惱耶況想陰之分段死安得意生
 乎受盡尚爾想行識盡不亦倒然又則色
 陰盡者能超劫濁前明劫濁盡時不應見
 十方界即名為濁是則劫濁盡時不應見
 空見若除受等四陰復何所在故知五
 濁起必同時不可常塗所談較其倫次
 也圓師所解恐非經意古云說經者傳先

儒之言非從已出不得相讓讓之則其道
 不明余忝傳先佛之言果有以也亦何敢
 讓**我已示汝劫波巾結何所不明再此詢**

問疏此引前說結責未解也如前文云巾
 竟異又云六結同體結不同竟即結解時
 云何同除此皆理則頓悟事非頓除如何
 再問耶頓漸悟修如圓覺疏○解所指先
 說亦有頓漸二義巾體是一以喻真性悟
 則成頓也巾結有異以喻妄想除則成漸
 也原夫天由次生而結妄一次第而解漸
 譬六根及以五陰生之與滅一往相類再
 研有殊何者以六根義橫五陰義豎故且
 如六根迷真反妄歸真亦無從為喻者但
 耳等異至於妄妄歸真亦無從為喻者但
 理豈非橫義耶前妄因妄成陰既云生因
 取六根差別及選擇圓通謂之次第也今
 明五陰亦迷真起妄因妄成陰既云生因
 識有滅從色除豈非豎義耶若以結解喻

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

言林經卷之三十一

十

我十

後結勸
弘宣

之則兩番次第宛有倫緒當知前文舉喻
不可以喻難法此中引例不可以根難陰
適時之說須曉大綱又前示中結難成次
第至解榮之際一六同時蓋顯一一反源
六根解脫今亦如是故相似位一陰若破
五陰皆除向所以作兩義釋頓漸之文者
亦順斯
意也
汝應將此妄想根元心得開通傳示將來
未法之中諸修行者令識虛妄深厭自生
知有涅槃不戀三界是五陰根本五陰攝
一切法故一切法皆妄想也如上文云娑
婆世界并洎十方諸有漏國及諸衆生同
是覺明無漏妙心見聞覺知虛妄病緣和
合妄生和合妄死汝既悟此故云心得開
通亦令他解故云傳示令識若知依正自
他俱一妄想即可厭患五蘊自體求趣涅

後大文
流通分

樂常樂何三界之可戀乎故此囑勸弘宣
自他俱益也○標令識虛妄者俾行人諸
識五陰中五十種魔事同一虛妄也○解
付囑流通唯行與教自辯魔來流通行也
此下盡經
流通教也

初如來況
顯能三

初舉施
福無邊三
初問多

阿難若復有人徧滿十方所有虛空盈滿
七寶持以奉上微塵諸佛承事供養心無
虛度於意云何是人以此施佛因緣得福
多不疏此文校量文雖不多意已周盡七
佛福田勝也承事供養無虛度者心之勝
也又虛空珍寶廣大心奉上諸佛承事供
養第一空心無虛度長時心如是布
施心境俱勝所獲福德其大矣哉
阿難答言虛空無盡珍寶無邊昔有衆生

支那

言林經卷之三十一

十

我十

後答勝

施佛七錢捨身猶獲轉輪王位況復現前
 虛空既窮佛土充徧皆施珍寶窮劫思議
 尚不能及是福云何更有邊際施佛七錢獲轉輪王位
 顯福田中佛福為勝輪王之福七寶具足
 千子圍繞況盡空珍寶以奉如來所施之
 物尚窮劫難思其所招福豈
 有邊際非一切智莫能知矣

佛告阿難諸佛如來語無虛妄此告語不虛冷深信

如來真實如五語也佛所說真實也若復有人身具四重

十波羅夷瞬息即經此方他方阿鼻地獄

乃至窮盡十方無間靡不經歷疏示人具極罪也波羅夷此云棄或云不可樂棄故即現無僧用不可樂即當入地獄小乘四棄大乘十

後顯經 益超勝二

忍辱業

顯福德門

重具犯此罪受報無窮故歷十方靡不皆
 至阿鼻五無間獄標大乘十棄於殺盜姪妄外更加五耐酒大說在家出家人過七自讚毀他人慳吝九瞋恚十自謗三寶不信能以一念將此法門於末劫中開示

未學疏顯弘經時少也一念心之邊際也

夫弘經者時必長久豈有一念而宣說者今顯弘經力大故舉至少以顯殊勝是人罪障應念銷滅

變其所受地獄苦因成安樂國滅罪勝也重罪之人

一念弘經其力能翻極重苦報成極樂報得福超越前之施人

百倍千倍千萬億倍如是乃至筭數譬喻

所不能及得福勝也前之施福已自難量

何奇之若此乎問極重罪人極少時分為人讀說未足可稱何以滅業得福如此殊

後持得果

顯智慧門

勝耶答此有多義故獲勝報一所以之經
 是佛極談教理行果皆不思議故謂顯如
 來藏心法法皆是不思議也佛頂心呪因人果
 成佛道此理不思議也佛頂心呪因人果
 人皆依此法滅惡生善入理化他防邪護
 正進行彌速能成菩提此教不思議也同
 也六十聖位第三聖觀音為最此行不思議也
 慧能超因位直入果海此果不思議也二
 末世多障能於此時弘此極談信解真正
 實希有故三施福唯得生死之報仍但自
 利弘經法利能至無漏能令聞者信解無
 謬展轉利樂無窮盡故由是一念雖
 少其利博哉是故能勝前寶施福

阿難若有衆生能誦此經能持此呪如我
 廣說窮劫不盡依我教言如教行道直成
 菩提無復魔業

廣說不盡者即前文云若我說是佛頂光聚悉怛多

後大眾欽

聞禮退

呪從旦至暮音聲相連字句中間亦不重
 疊經河沙劫終不能盡此顯經義及持者
 功德皆不可量也依我下以能得最極之
 果能離內外魔專用勸如說而行也斯則
 弘持經者所得所離唯佛與佛乃能知之
 此義釋成上文謂開示未學得福斯勝者
 良由衆生於教誦持乃至成道所益大故

佛說此經已比丘比丘尼標出家優婆塞
 優婆夷在家行淨一切世間天人阿脩羅
 及諸他方菩薩二乘聖仙童子并初發心
 大力鬼神皆大歡喜作禮而去疏及妙吉
 祥雖各有說功歸於佛總名佛說三種世
 間故云一切器界所住境也菩薩二乘智
 正覺攝餘皆有情世間聖仙童子此仙衆
 之一也經中有此真言大歡喜者近得世

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

首楞嚴經卷三十一

三十一

第十

問歡喜遠得由世初地由三義故歡喜一
能說人清淨二所說法清淨三所得果清
淨由斯義故皆大歡喜○解初發心者圓
教外凡或內凡也皆大歡喜通該凡聖孤
山曰既聞談常扶律即偏解圓同服醍醐
咸露妙益故大歡喜○疏絕筆頌曰以此
少分贊經力施他流演無窮盡所
獲利樂悉迴向菩提實際衆生界

首楞嚴經

唐廣州制止寺極量傳

即譯經祖師也
出大宋高僧傳

釋極量中印度人也梵名般刺密諦唐言極量懷道
觀方隨緣濟物展轉游化漸達支那
印度俗呼廣府
為摩訶支那也乃於廣州制止道塲駐錫衆知博達祈請頗
多量以利樂爲心因敷祕牘神龍元年乙巳五月二

十三日於灌頂部中誦出一品名大佛頂如來密因

修證了義諸菩薩萬行首楞嚴經譯成一部十卷爲

甚國沙門彌伽釋迦釋迦稍訛正云鑠
依此翻曰雲峯譯語菩薩戒

弟子前正議大夫同中書門下平章事清河房融筆

授循州羅浮山南樓寺沙門懷廸證譯量翻傳事畢

會本國怒其擅出經本遣人追攝泛舶西歸後因南

使入京經遂流布有唐惟愨法師資中沈公各著疏

解之云

義疏跋
首楞嚴經是如來世尊最後之垂範也鞠其所指歸

支那

首楞嚴經卷三十一

三十一

第十

宿處在乎徵心辯見之兩門辯見則恐人認妄覺所
明便同吾不見處之真見徵心則使渠離前塵影事
見自己性覺妙明之本心悟此心而山河大地咸是
妙明真心中所現物得真見而父母生身猶彼十方
虛空吹一微塵塵物直下兩亡心見自然雙泯無上
寶覺圓明真淨者蓋有在於是矣長水大法師睿公
親蒙記莛以曩願力而來荷負教乘助佛轉輪妙堪
遺囑住首楞嚴王三昧以金剛如幻力製撰大疏用
以發揚乎吾佛無見頂法之深旨顯如來藏心明修
行方便辯離魔業行示地位階差出聖教名殊辯趣

生因異陳禪那現境以此七利括盡楞嚴大要其間
或別列三科重論七大隨文疏決真俗鎔融唐梵雙
彰聖凡一致除疑破執會色明空宗趣了然教兼圓
頓一多相卽小大互陳行布圓融自在無礙俾學者
披經覽疏卽疏證經不遭枝岐達佛知見譬如得門
而直入華屋豈不快哉蓋法師嘗持經中清淨本然
云何忽生山河大地一則語以問瑯琊廣照覺禪師
覺依其言抗聲而答之遂領旨於言下載之禪書也
是故悲願宏廣悟解詳明學海瀾翻辯詞鋒利所造
大疏專於顯明佛意不事文言簡要不繁直截徑正

撰述
高松庵志書卷三
抄十
明白顯露開人心眸是爲後世典刑所以前作盡廢
後來雖有作者亦無過此但是於中採撫要義纂集
別行政清涼所謂此等皆是支流或名流類蓋從大
部中支出流派者也且夫大疏與楞嚴大經並行流
通蕃衍於無窮者獨一長水耳佛不云乎四人出世
爲四依菩薩非法師其誰歟咸輝夙福何厚獲此寶
書敬寫雄文以備修習庶幾憑仗法流洗滌如微
細沈惑普與法界衆生以此爲因地資糧期證如來
七常住果積功累德而成無上寶王云
標指跋

首楞嚴標指要義之作始自皇宋熙寧間大禪師也
禪師諱曉月字公晦得法於滁之瑯琊廣照覺公住
洪之泐潭寶峯精舍晚年謝院事引退于盧仙山之
道濟庵庵居閑暇日與其徒論楞嚴旨訣就依長水
瘡師義疏科目掇其簡要之義于科文之下名其題
曰標指要義急欲使世學佛之徒臨文得旨照然如
指諸掌也是時有開士曰應乾者密授智證于東林
照覺從師游久卽錄而藏諸後出世開法繼踵前席
乃出其文遺夫禪林中當世得之如居貧獲至寶似
執熱濯清風競爲鏤板傳于江湖間故已久矣而兵

撰述
華之後存其正文者蓋渺焉余數年求其文而不能
得設得一二者亦殘卷廢軸也紹興乙丑始獲其全
帙乃率同志書之庶得洗心易慮於其間終愧未措
待別爲書也聊以弊文紀其歲月云云今旣編入義
海果符前言因以二文併附卷末識者毋致誚焉
義海絕筆偈

如來本爲大因緣 開悟羣生佛知見
故使阿難助發機 示無真定求方便
妙奢摩他爲初首 妙莊嚴路世希有
金剛如幻三昧門 衆經無有出其右

世尊頂相無能見 任待千頭并百面
無邊身者盡其機 到了不容通一線
三世諸佛同此門 戒定慧學無不圓
道場加行成聖位 破魔說法天人尊
偉哉此經何宗趣 凡聖平等無二路
勝淨明心觸處周 清淨本然法如故
吾不見處情難到 湛入合湛皆有過
三科七大盡破除 失脚踏翻古皇道
此經大底符於律 四決定義烏可忽
吁嗟正性不能剝 古今那有魔成佛

五天譯罷來唐土

出自神僧并大士

潤文筆授遇其人

又得長水換義疏

後來註釋非一家

義辭婉美猶貫華

雖然疏義兩金行

各隨部帙成等差

我今總已集其解

俾衆法流歸義海

浸潤法界無邊空

普使羣靈同正解

首楞嚴經義海卷第三十

昔隋智者大師聞西竺國有性宗楞嚴晝夜西向作
禮願早至此土與諸衆生開佛知見然竟不及見遂
宗法華作止觀止觀卽此經中妙奢摩他毗婆舍那

一義耳竊惟此經旨趣淵曠深奧微妙實不可得而
心思言議之在明悟而已矣故云此法亦緣非得法
性又云如何以所知心測度如來無上菩提是皆離
於見聞覺知絕乎修證行解逮將文殊稟命料揀圓
通則曰此方真教體清淨在音聞信知此法還假聞
思修三慧相須而作庶幾盡證反聞自聞之道善哉
微塵諸佛涅槃妙門蓋有在於是矣經傳震旦自唐
神龍洎宋乾道將五百年其弘揚詮解者無出乎此
義海中諸聖師焉但就中有師承不同者以事相觀
之似乎互有得失以理性質之正是相與辯明華嚴

撰述
百本原卷之三
文殊問明涅槃純陀答難皆此意也閱教之士當究
六解一亡之義不可存結此結若存便見是非鋒起
余乃宗徒而於此二初無適莫但欲發揚聖教而已
故綜而收之輒於二十五圓通位各附之以讚辭仍
以三頌釋其疑難總三十萬言分爲三十卷手自書
寫募緣入版流通恭請姑蘇神照講師校證其文於
中諸師提撕未到處神照亦著語彰明之凡數段焉
謂姑蘇曰者是也其他異說紛紜不能備載之耳若
夫無見頂法妙蓮華王萬行因華密因了義縱以身
爲舌亦烏能言其萬萬之一耶儻能隨順章句得義

遺言一念發真歸元見性覺妙明本覺明妙勝淨明
心本周法界則五陰六入根塵陰處一切浮塵十方
虛空當處出生隨處滅盡方知吾佛本不曾說諸師
亦不曾詮余所集者亦復妄焉乾道丁亥夏至前一
日福城靈鳳蘭若遺教比丘咸輝謹書

後序

清淨海眼照映千門妙蓮華王開敷萬行銷慶喜之
愛習獲本妙心蕩滿慈之疑情合如來藏星羅衆義
月滿一乘首楞嚴經者乃大覺能仁最後垂範示三
觀妙門入如來性海謂妙奢摩他三摩禪那也然與

諸教或名同而義異或名異而義同圓覺三觀靜幻寂者名同義異涅槃三相定慧捨者名異義同今經正顯心見性也至於二十五聖皆於此三單複圓修而已達磨西來直指人心見性成佛亦由是而已矣至乎玄沙地藏清涼法眼瑯琊廣照皆得斯經深妙之旨而大振宗風是則禪教同歸定慧齊運者其惟此經焉大唐京都慈法師精鍊十載夢感文殊乘後覩入其口首解此經日爲玄贊文理幽贖盛行西北巨宋長水法師因見瑯琊廣照禪師問曰清淨本然云何忽生山河大地瑯琊抗聲云清淨本然云何忽

生山河大地長水於言下大悟遂依賢首國師五教馬鳴起信五重而釋通之教徹終頓圓融法窮一心玄極而華嚴圓覺楞嚴起信一真法界常住真心一以貫之者也泐潭月禪師徧叅知識亦見瑯琊妙悟心宗觀長水義疏文廣乃略其要義名曰標指淨覺法師徧觀諸疏或筆或削目爲集解私有助釋之文符會宗教焉今福唐禪人輝公書記自幼獲斯經翫味欣躍久歷諸方窮究妙旨因觀衆解乃精金美玉共贊大猷集成義海三十卷會衆流而同歸大海耳使展卷明旨大義璨然深達一門超出妙莊嚴路妙

契圓滿菩提歸無所得大矣哉不可得而思議也智
 彬嘉其運心廣大因為校證其文而求後序自愧荒
 蕪聊爾隨喜時乾道三祀孟冬既望平江府前住松
 江華嚴教院傳賢首祖教神照大師智彬於重玄古
 刹書偈一首輝書記編集楞嚴諸家註解曰曰義海
 任毗陵華藏比丘智先為說此偈

衆生發妄遺本明 見聞不超聲色界
 如來慈愍為宣揚 七處徵求無影迹
 乃知心目為過咎 見與見緣如空華
 忽然狂歇獲本頭 此頭亦非從外得
 而斯清淨海眼經 流布真丹五百載

中間作者互發明 得躡一毛龍片甲
 道人刻意為繪貫 令他末學見大全
 集衆狐白以為裘 導引百川而歸海
 我今隨喜說伽陀 普勸諸檀續慧命
 要令佛頂再充明 長作未來大圓鏡

首楞嚴義海卷第三

音釋



擣度官切 諳烏甘切 贖鋤陌切 蕘直良切 舶傍陌切
聚也 諳諳練也 贖深也 蕘將來成 舶大船也
 沈余準切 荊并列切 劫劫國各號之 蕘拾也 鑊石切 纂侯切
作管切 佛之記劫國各號之 蕘也 蕘也 鑊也 鑊也
 編集也 滌直魚切 泐盧則切 撥都活切 鏤落候切

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

女

了

三

女

韻集也 經 諸各 直 魚 時 韻

韻 餘 韻 並 韻 時 韻

韻 餘 韻 並 韻 時 韻

音

首 韻 集 經 卷 第 三 十

要 令 漸 頭 再 次 則

非 今 韻 喜 端 助 則

菓 眾 瓜 白 以 為 衆

菓 眾 瓜 白 以 為 衆

菓 眾 瓜 白 以 為 衆

異 卦 方

普 博 精 獸 齋 壽

善 臣 百 川 而 龍 識

今 少 未 學 貝 大 全

異 卦 一 手 誰 亦 甲

計字九千七百七

伏願

生齊登岸

多
世
三
路